

春秋左傳杜注

春秋左傳杜注卷第十九

華亭姚培謙學

襄公

經二十有九年春王正月公在楚

公在外闕朝正之禮甚多而唯書此一年者魯

公如楚既非常此公又踰年故發此一事以明常

○夏五月公至自楚○庚午衛侯

行卒

無傳四同盟

○闕弒吳子餘祭

闕守門者下賤非士故不言盜○祭側界反

○仲

孫羯會晉荀盈齊高止宋華定衛世叔儀鄭公孫

段曹人莒人滕人薛人小邾人城杞

公孫段伯石也三十年伯有死乃命為卿

今蓋以攝卿行

○晉侯使士鞅來聘○杞子來盟

杞復稱子○用夷禮也

吳子使札來聘

吳子餘祭既遣札聘上國而後死札以六月到魯未聞喪也不稱公子其禮未同於上國

○秋

九月葬衛獻公

無傳

○齊高止出奔北燕

止高厚之子

○冬

仲孫羯如晉

傳二十九年春王正月公在楚釋不朝正于廟也

釋解也告廟在楚

楚人使公親禴

諸侯有遣使贈禴之禮今楚欲依遣使之比

公患

之穆叔曰祓殯而禴則布幣也

先使巫祓除殯之凶邪而行禴禮與朝而布幣無異○祓

除既了而行禴禮布陳衣物與行朝之時布陳幣帛無異也

乃使巫以桃茢先祓殯

茢音

列。穰如羊反孔疏茢是帚蓋桃為棒也杜云茢黍穰者今世所謂茗帚者或用亂穗或用黍穰是二者皆得為之也

楚人弗禁

既而悔之

禮君臨臣喪乃祓殯故楚悔之

○二月癸卯齊人葬莊公於北郭

兵死不入兆城故葬北郭

○夏四月葬楚康王公及陳侯鄭伯許男送葬至于西門之外諸侯之大夫皆至于墓楚邾敖即位

邾敖康王子熊麋也

王子圍爲令尹

圍康王弟

鄭行人子羽曰是謂不

宜必代之昌松柏之下其草不殖

言楚君弱令尹強物不兩盛爲昭元年圍邾邾

本 敖起

○公還及方城季武子取卞

取卞邑以自益

獲公治問

問公起居公治

季氏屬大夫

璽書追而與之

璽印也

曰聞守卞者將叛臣帥徒

以討之既得之矣敢告

此璽書之詞

公治致使而退

致季氏使命

使去聲

及舍而後聞取卞

發書乃聞之

公曰欲之而言叛祇見

疏也

言季氏欲得卞而欺我言叛益疏我○孔疏多見疏外我也猶論語云多見其不知量服虔本作祇見疏解云祇適也晉宋杜本皆作多古人

多祇同音張衡西京賦云炙炮夥清酌多皇恩溥洪德施施與多為韻此類衆矣

公問公冶曰吾可以入

乎

以季氏疏已故不敢入

對曰君實有國誰敢違君公與公冶冕

服

以卿服玄冕賞之

固辭強之而後受公欲無入榮成伯賦

式微乃歸

式微詩抑風曰式微式微胡不歸式用也義取寄寓之微陋勸公歸也

五月公至自楚

公治致其邑於季氏

本從季氏得邑故還之

而終不入焉

不入季孫家

曰

欺其君何必使余季孫見之則言季氏如他日不

見則終不言季氏

季孫若就其家見之則言季氏政事如平時否則終不言

及疾聚其

臣大夫

曰我死必無以冕服斂非德賞也

言公畏季氏而賞其使非以我

有德且無使季氏葬我

○葬靈王

不書魯不書會

鄭上卿有事子展使印段往伯有

曰弱不可

印段年少官卑

子展曰與其莫往弱不猶愈乎詩

云王事靡盬不遑啓處

詩小雅騶不堅固也啓跪也言王事無不堅固故不暇跪處

東西

南北誰敢寧處

謂上卿

暨事晉楚以蕃王室也

言我固事晉楚乃所

以蕃屏王室

王事無曠何常之有遂使印段如周

傳言周衰卑於晉楚

○吳人伐越獲俘焉以爲闔使守舟吳子餘祭觀

舟闔以刀弑之

言以刀明近刑人

○鄭子展卒。子皮即位。

子皮代父為上卿

於是鄭饑而未及

麥。民病。子皮以子展之命餼國人粟。戶一鍾。

在喪故以父命

也。六斛四斗曰鍾。餼許氣反。

是以得鄭國之民。故罕氏常掌國政。以

為上卿。宋司城子罕聞之曰。鄰於善民之望也。

民亦望君

善。宋亦饑。請於平公。出公粟以貸。使大夫皆貸。司

城氏貸而不書。

施而不德

為大夫之無者。貸。宋無飢人。叔

向聞之曰。鄭之罕。宋之樂。其後亡者也。二者其皆

得國乎。

得掌國政

民之歸也。施而不德。樂氏加焉。其以宋

升降乎。

升降隨宋盛衰。施去聲。

○晉平公杞出也。故治杞。治理其地。脩其城。六月知悼子合

諸侯之大夫以城杞。孟孝伯會之。鄭子犬叔與伯

石往。犬叔不書。不親事。子犬叔見犬叔文子。文子衛。犬叔儀。與之語。文

子曰甚乎其城杞也。子犬叔曰若之何哉。晉國不

恤周宗之闕而夏肆是屏。周宗諸姬也。夏肆杞肆餘也。屏城也。其弃諸姬

亦可知也已。諸姬是弃其誰歸之吉也。聞之弃同

即異。是謂離德。詩曰協比其鄰。昏姻孔云。詩小雅言王者和協

近親則昏姻甚歸附也。○比毗志反。晉不鄰矣。其誰云之。云猶旋旋歸之。

○齊高子容與宋司徒見知伯女齊相禮也。子容高止也。司徒華。

定也。知伯荀盈也。女齊司馬侯也。相禮侍威儀也。女音汝。

賓出司馬侯言於知伯曰二

子皆將不免子容專

專自是也

司徒侈皆亡家之主也知

伯曰何如

言二子禍福之速何如

對曰專則速及侈

速及禍也

將以其

力斃

力盡而自斃

專則人實斃之將及矣

為此秋高止出犇燕昭二十年華定出犇陳傳

○范獻子來聘拜城杞也

謝魯為杞城

公享之展莊叔執

幣

公將以酬賓

射者三耦

二人為耦。孔疏周禮射人云諸侯之射以四耦此三耦者彼是畿內諸侯故四耦此及儀禮

大射畿外諸侯故三耦或當臣與君異也

公臣不足取於家臣家臣展瑕展玉

父為一耦公臣公巫召伯仲顏莊叔為一耦鄆鼓

父黨叔為一耦

言公室卑微公臣不能備於三耦。鄆才陵反黨音掌

○晉侯使司馬女叔侯來治杞田

使魯歸前侵杞田所歸少故不書

弗

盡歸也。晉悼夫人愠曰：齊也取貨。

夫人平公母杞女也謂叔侯取貨於魯故不盡

歸杞先君若有知也，不尚取之。

不尚叔侯之取貨。○一說尚當取叔侯而殺之。公告

叔侯。叔侯曰：虞虢、焦滑、霍揚、韓、魏皆姬姓也。

八國皆晉所滅

焦在陝陽屬平陽郡

晉是以大。若非侵小，將何所取？武獻以下

兼國多矣。

武公獻公晉始盛之君

誰得治之？杞復餘也。而即東夷

行夷禮

魯。周公之後也。而睦於晉，以杞封魯，猶可。而何

有焉？

何有盡歸之

魯之於晉也，職貢不乏，玩好時至，公卿

大夫相繼於朝，史不絕書。

書魯朝聘

府無虛月。

無月不受魯貢

如是

可矣。何必瘠魯以肥杞。且先君而有知也。毋寧夫

人而焉用老臣。

言先君毋寧恠夫人之所為無用責我。

○杞文公來盟。

魯歸其田。故來盟。

書曰：子賤之也。

賤其用。夷禮。

○吳公子札來聘。見叔孫穆子。說之。謂穆子曰：子

其不得死乎。

不得以壽死。

好善而不能擇人。吾聞君子務

在擇人。吾子為魯宗卿。而任其大政。不慎舉。何以

堪之。禍必及子。

為昭四年豎牛作亂起本。

請觀於周樂。

魯以周公故。有天子禮樂。

使工

為之歌。周南召南。

此皆各依其本國歌所常用聲曲。○孔疏：詩人觀時政善惡而發憤作詩。其所作文辭皆準其

樂音。今宮商相和。使成歌曲。樂人采其詩辭。以為樂章。述其詩之本音。以為樂之定聲。其聲既定。其法可傳。雖多歷年世。而其音不改。今此為季札歌者。

各依其本國歌所常用聲曲也。由其各有聲曲，故季札聽而識之。言本國者，變風諸國之音各異也。

曰美哉。美其聲。始基之。

矣。

周南召南王化之基

猶未也。

猶有商紂未盡善也

然勤而不怨矣。

未能安樂然其音不怨怒

爲之歌。邶鄘衛。

武王伐紂分其地爲三監三監叛周公滅之更封康叔并三監之地故三國盡被康叔之化

曰美

哉。淵乎憂而不困者也。

淵深也。亡國之音哀以思其民困衛康叔武公德化深遠雖遭宣公淫亂懿公

滅亡民猶秉義不至於困

吾聞衛康叔武公之德如是。是其衛風乎。

康叔周公弟武公康叔九世孫皆衛之令德君也聽聲以爲別故有疑言

爲之歌。王。

王黍離也幽王遇西戎之禍平王東遷王政不

行於天下風俗下與諸侯同故不爲雅

曰美哉。思而不懼。其周之東乎。

宗周隕滅故憂

思猶有先王之遺風故不懼

爲之歌。鄭。

詩第七

曰美哉。其細已甚。民弗堪

也。是其先亡乎。

美其有治政之音譏其煩碎知不能久。爲政細密庶事煩碎故民不能堪

爲之歌。

齊詩第八

曰美哉泱泱乎大風也哉

泱泱弘大之聲

表東海菴其

犬公平

犬公封齊為東海之表式

國未可量也

言其或將復興

爲之歌

詩第十

之舊圖在新平漆縣東北

曰美哉蕩乎樂而不淫其周公之東乎

蕩乎蕩然

也樂而不淫言有節周公遭管蔡之變東征三年爲成王陳后稷先公不敢荒淫以成王業故言其周公之東乎

爲之歌

秦詩

十一後仲尼刪定故不同

曰此之謂夏聲夫能夏則大大之至也其

周之舊乎

秦本在西戎汧隴之西秦仲始有車馬禮樂去戎狄之音而有諸夏之聲故謂之夏聲及襄公佐周平王東遷而受其故

地故曰周之舊汧苦賢反

爲之歌

魏詩第九魏姬姓國閔元年晉獻公滅之

曰美哉泱泱乎

大而婉險而易行以德輔此

○本之以險而以德輔之

則明主也

泱泱中庸

之聲婉約也險當爲儉字之誤也大而約則儉節易行惜其國小無明君也○泱數韻反

爲之歌

唐詩第十

曰思

深哉其有陶唐氏之遺民乎不然何憂之遠也

晉本唐國

故有堯之遺風憂深思遠情發於聲○思去聲

詩第

十二

曰國無主其能久乎

淫聲放蕩無所畏忌故曰國無主

自鄆以下無

譏焉

鄆第十三曹第十四言季子聞此二國歌不復譏論之以其微也○鄆古外反○今河南開封府密縣東北五十里有鄆城

為之

歌小雅

小雅小正亦樂歌之常○孔疏詩序云言天下之事形四方之風謂之雅雅者正也政有大小故有小雅焉有大雅焉然則小

雅大雅皆天子之詩也王者政教有大有小詩人歌其大事制為大體述其

小事制為小體體有大小故分為二焉詩體既異樂音亦殊後之作各從

其舊取小雅之音歌其政事之變者謂之變小雅取大雅之音歌其政事之

變者謂之變大雅故變雅之美刺皆由音制有大小不復由政事之大小也

曰美哉思而不貳

思文武之德無貳叛之心

怨而不言

有哀音

其周德之

衰乎

衰小也○孔疏衰者差也九章算術為差分為衰分言從大漸差而小服虔讀為衰微之衰謂幽厲之時也按依孔衰宜音初危反

猶有先王之遺民焉

謂有殷王之餘俗故未大衰。孔疏杜以此言皆歎正小雅也。言其時之民思文武之德。

不有二心。雖怨時政而能忍而不言。其是周德衰小之時乎。猶有殷先王之遺民。故使周德未得大也。服虔以為此歎變小雅。

爲之歌

大雅

大雅陳文王之德以正天下。

曰廣哉熙熙乎

熙熙和樂聲。

曲而有直體

論其聲。其聲委曲而有正直之體。

其文王之德乎

雅頌所以詠盛德形容。故但歌其美者。不皆歌變雅。

爲之

歌頌

頌者以其成功告於神明。

曰至矣哉

言道備。

直而不倨

倨傲。倨音據。

曲而不

屈

屈撓。

邇而不偪

退。

遠而不攜

攜。

遷而不淫

淫過。

復而

不厭

常日新。

哀而不愁

知命。

樂而不荒

節之以禮。

用而不匱

德立大。

而不宣

不自顯。

施而不費

因民所利而利之。施去聲。

取而不貪

義然後取。

處而

不底

守之以道。底音抵。

行而不流

制之以義。孔疏。自直而不倨。至行而不流之十四事。皆音有此意。明王者之

德也。人性直者失於倨傲，王者體性質直，雖富有四海而不倨傲，慢易在下，物有曲者失於屈撓，王者曲吟情意以尊接下，恒守尊嚴，不有屈撓，相去近者失於相偏，王者雖為在下與之親近，能執謙退，不陵偏在下，相去遠者失於乖離，王者雖為在下與之疎遠，而能不有攜離猜疑，在下數遷徙者失於淫泆，王者雖有遷動流去，能以德自守，不至放蕩去而復反，則為人所厭，王者政教日新，雖反覆而行，不為下之厭薄，哀者近於憂愁，王者雖遇凶災，知運命如此，不可憂愁，樂者失於荒廢，此樂而能不荒廢也，用之不已，物將匱乏，此用而不可匱也，志寬大者多自宣揚，此雖廣而不自宣揚也，好施與者皆費財物，此能施而不費損也，取人之物失於貪多，此雖取而不為貪多也，處而不動，則失於留滯，王者相時而動，時未可行，雖復止處，意不底滯，行而不已，則失於流放，王者量時可行，施布政教，能制之以義，不妄流移也。

五聲和

宮商角徵羽謂之五聲

八風平

八方之氣謂之八風

節有度，守有序

八音克諧，節有度也，無相奪倫，守有序也。○八音之作，有節，其節皆有常度，音之所守，有分，其守各有次序。

序盛德之所同也

頌有殷魯，故曰盛德之所同。

見舞象箛南籥者

象箛，舞所

執南籥，以箛舞也，皆文王之樂。○箛，音朔。○孔疏：象箛與南籥各是一舞，南籥既是文舞，則象箛當是武舞也。詩云：維清奏象舞，則此象箛之舞，故

鄭注詩云象用兵時刺伐之舞是武舞可知其名之曰南其義未聞也顧曰
氏炎武曰南箏者二南之箏鼓鐘之詩所謂以雅以南以箏不僭者也

美哉猶有憾

美哉美其容也文王恨不及已致太平

見舞大武者

武王樂

曰美哉

周之盛也其若此乎見舞韶濩者

殷湯樂濩音護

曰聖人

之弘也而猶有慙德聖人之難也

慙於始伐

見舞大夏者

禹之樂

曰美哉勤而不德非禹其誰能脩之

盡力溝洫勤也○不矜不伐是

勤而不德也

見舞韶箏者

舜樂○箏音箏○孔疏箏即箏也尚書曰箏韶九成此云韶箏即彼箏韶是也孔安國云言箏見

細器之備也蓋韶樂兼箏為名箏字或上或下耳

曰德至矣哉大矣如天之無不

疇也

疇覆也○疇徒報反

如地之無不載也雖甚盛德其茂以

加於此矣觀止矣若有他樂吾不敢請已

魯用四代之樂故及

韶簡而季子知其終也。季札賢明才博在吳雖已涉見此樂歌之文然未聞中國雅聲故請作周樂欲聽其聲然後依聲以參時政知其興衰也。聞秦詩謂之夏聲。聞頌曰五聲和八風平皆論聲以參政也。舞畢知其樂終是素知其篇數。其出聘也通嗣君也。吳

餘祭嗣立

故遂聘于齊。說晏平仲謂之曰子速納邑與政

納歸之公

無邑無政乃免於難。齊國之政將有所歸未獲

所歸難未歇也。

歇盡也

故晏子因陳桓子以納政與邑

是以免於欒高之難。

難在昭八年

聘於鄭見子產如舊相

識與之縞帶子產獻紵衣焉。

大帶也吳地貴縞鄭地貴紵故各獻已所貴示損已而不為彼

貨利。○縞古老反。縵也。紵直呂反。

謂子產曰鄭之執政侈難將至矣。政

必及子。子為政慎之以禮不然鄭國將敗。

侈謂伯有適衛。

說遽瑗

遽伯五

史狗

史朝之子文子

史鱗

史魚之子鱗音秋

公子荆公叔發

公叔發

公子朝曰衛多君子未有患也自衛如晉將宿於

戚

戚孫文子之邑

聞鐘聲焉曰異哉吾聞之也辯而不德必

加於戮

辯猶爭也爭爭鬪之爭

夫子獲罪於君以在此

孫文子以戚叛

懼猶

不足而又何樂夫子之在此也猶燕之巢于幕上

言至危。幕音莫。

君又在殯而可以樂乎

獻公卒未葬

遂去之

不止宿

文

子聞之終身不聽琴瑟

聞義能改

適晉說趙文子韓宣子

魏獻子曰晉國其萃於三族乎

言晉國之政將集於三家

說叔向將

行謂叔向曰吾子勉之君侈而多良

謂多以惡人為良而善之

大

夫皆富政將在家

富必厚施故政在家

吾子好直必思自免於

難

○秋九月齊公孫薑公孫窻放其大夫高止於北

燕

薑子尾窻子雅放者宥之以遠○薑以邁反

乙未出書曰出奔罪高止也

實放書奔

所以示罪○許氏翰曰君放大夫可也臣放大夫是無君也不可以訓故以出奔書也

高止好以事自爲功

且專故難及之

○冬孟孝伯如晉報范叔也

范叔士鞅也此年夏來聘

○爲高氏之難故高豎以盧叛

豎高止子

十月庚寅閭邱

嬰帥師圍盧高豎曰苟使高氏有後請致邑

還邑於君齊

人立敬仲之曾孫薊。敬仲高偃。薊於顯反。即後所云高偃是也。良敬仲也。良猶賢也。

十一月乙卯，高豎致廬而出奔晉。晉人城綿而寘

旃。晉人善其致邑。

○鄭伯有使公孫黑如楚。黑字替。辭曰：楚鄭方惡，而使

余往，是殺余也。伯有曰：世行也。言女世為行人。子皙曰：可則

往，難則已。何世之有？伯有將強使之。子皙怒，將伐

伯有。氏大夫和之。十二月己巳，鄭大夫盟於伯有

氏。禘諶曰：是盟也，其與幾何？言不能久也。禘諶，鄭大夫。難去聲。詩曰：君

子屢盟，亂是用長。今是長亂之道也。禍未歇也。必

三年而後能紓

紓解也。長上聲。

然明日政將焉往。裨諶曰。

善之代不善。天命也。其焉辟子產。

言政必歸子產。

舉不踰等。

則位班也。

子產位班。次應知政。

擇善而舉。則世隆也。

世所高也。

天又除

之奪。伯有魄。

喪其精神為子產驅除。

子西即世將焉辟之。天禍鄭

久矣。其必使子產息之。乃猶可以戾

戾定也。

不然將亡

矣。

經

三十年春。王正月。楚子使薳罷來聘。

薳罷。

○夏。四

月。蔡世子般弑其君固。

音班。

○五月甲午。宋災。

曰災。

宋

伯姬卒。○天王殺其弟佞夫。

稱弟以惡。王殘骨肉。○蘇氏轍曰。佞夫無罪。五臣以王故殺之。

而王弗察猶王殺之也

王子瑕奔晉

不言出奔周無外

○秋七月叔弓如宋葬

宋共姬

共姬從夫謚也叔弓叔老之子卿共葬事禮過厚三月而葬速

○鄭良霄出奔許酒

荒淫書名罪之

自許入于鄭

不言復入獨還無兵

鄭人殺良霄○冬十月

葬蔡景公

無傳

○晉人齊人宋人衛人鄭人曹人莒

人邾人滕人薛人杞人小邾人會于澶淵宋災故

會未有言其事者此言宋災故以惡宋人不克己自責而出會求財○澶市然反

傳三十年春王正月楚子使薳罷來聘通嗣君也

鄭敖即位

穆叔問王子之為政何如

王子圖為令尹

對曰吾儕小人

食而聽事猶懼不給命而不免於戾焉與知政固

問焉。不告。穆叔告大夫曰：「楚令尹將有大事，子蕩

將與焉。」

子蕩遂羅。與音預下同。

助之，匿其情矣。

子園素其部故設羅計侯皆知其將為亂故羅計之。

○子產相鄭伯，以如晉。叔向問鄭國之政焉。對曰：

「吾得見與否，在此歲也。駟良方爭，未知所成。」

駟氏子也。良。

氏伯有也。若有所成，吾得見，乃可知也。叔向曰：「不既和矣，

乎？」對曰：「伯有侈而愎。」

愎，狠也。

子皙好在人上，莫能相下

也。雖其和也，猶相積惡也。惡至無日矣。」

為此年秋良霄出奔傳。

○二月癸未，晉悼夫人食輿人之城杞者。

輿，眾也。城杞在往年。

音似食。絳縣人，或年長矣，無子。

以其無子，故自受役。

而往，與於食，有

與疑年使之年

使言其年

曰臣小人也。不知紀年。臣生之

歲正月甲子朔。四百有四十五甲子矣。其季於今

三之一也。

所稱正月謂夏正月也。三分六甲之一得甲子甲戌盡祭未。

史走問諸朝

皆不知故問之

師曠曰。魯叔仲惠伯會郤成子于承匡之歲也。

在文

年是歲也。狄伐魯。叔孫莊叔於是乎敗狄于鹹。獲

長狄僑如及虺也。豹也。而皆以名其子。七十三年

矣。

叔孫僑如叔孫豹皆取長狄名。虺虛鬼反。

史趙曰。亥有二首六身。

史趙晉大史亥字。二畫在

上併三人為身如算之六。○言亥字上二畫為首。六畫為身。如算之六者三也。

下二如身。是其日數也。

下亥上二

畫豎置身旁。○如往也。言除下亥上二畫。往置身旁。便是此老人從初生年起至今癸未日之日數也。蓋以亥之二畫為二萬之數。以三六之算為六千

六百六旬
之數也

士文伯曰。然則二萬六千六百有六旬也。

文伯。士弱之子。○此說上文亥字之日數也。蓋甲子一周有六十日。總四百四十五箇甲子。合有二萬六千七百日。以其季之甲子。方得三分之一。故少

四十日也。趙孟問其縣大夫。則其屬也。屬趙武。○絳非趙武私邑。而云屬者。蓋諸是公邑。國卿分

掌之。而此邑屬趙武也。召之而謝過焉。曰。武不才。任君之大事。以

晉國之多虞。不能由吾子。由用也。使吾子辱在泥塗。久

矣。武之罪也。敢謝不才。遂仕之。使助爲政。辭以老。

與之田。使爲君復陶。復陶。主衣服之官。以爲絳縣師。縣師。掌地城辨其夫

家人民。○既使爲主衣服之官。又以爲絳邑之縣師也。周禮縣師。上士二人。而廢其與尉。以役孤老故。○與尉。軍尉。主發

衆使於是魯使者在晉。歸以語諸大夫。季武子曰。晉

未可媮也

媮薄也

有趙孟以爲大夫，有伯瑕以爲佐。

伯瑕主文

伯有、史趙、師曠而咨度焉。有叔向、女齊以師保其

君，其朝多君子，其庸可媮乎？勉事之而後可。

傳言晉所以強

不失諸侯且明歷也

○夏四月己亥，鄭伯及其大夫盟。

爭故

君子是以知

鄭難之不已也。

鄭伯微弱不能制其臣下君臣詛盟故曰亂未已

○蔡景侯爲犬子般娶于楚，通焉。犬子弑，景侯終

產言有子禍也

○初，王儋季卒。

儋季周靈王弟儋丁甘反

其子括將見王而歎。

括除

服見靈王
入朝而歎

單公子愆期爲靈王御士過諸廷愆期行過王
廷○單喜喜

聞其歎而言曰烏乎必有此夫

欲有此朝
廷之權

入以告王

且曰必殺之不感而願大視躁而足高心在他矣
不殺必害王曰童子何知及靈王崩僖括欲立王

子佞夫

佞夫靈王
子景王弟

佞夫弗知戊子僖括圍蒍遂成愆

成愆蒍
邑大夫

成愆奔平時

平時周邑
○時音止

五月癸巳尹言多劉毅

單蔑甘過鞏成殺佞夫

五子周
大夫

括瑕廖奔晉括廖不書
賤也○廖

力彫

書曰天王殺其弟佞夫罪在王也

佞夫不知故純書
在宋災下從赴

○或叫于宋大廟也

叫呼

曰譖譖出出

譖譖熱也出出
伯姬○譖許其反

烏

鳴于亳社

殷社

如曰譖譖

皆火妖也

甲午宋大災宋伯姬卒

待姆也

姆女師。鄭氏昏禮注云姆婦人年五十無子。出而不復嫁能以婦道教人者。若今時乳母矣。

君子謂宋

共姬女而不婦女待人

待人行

婦義事也

義從宜也。伯姬時年六十左右。穀梁傳

取卒之日加之災上者見以災卒也。伯姬之舍失火左右曰夫人少辟火乎。伯姬曰婦人之義傅母不在宵不下堂左右又曰夫人少辟火乎。伯姬曰婦人之義保母不在宵不下堂遂逮乎火而死。婦人以貞為行者也。伯姬之婦道盡矣。詳其事賢伯姬也。

○六月鄭子產如陳涖盟歸復命告大夫曰陳亡

國也不可與也

不可與結好

聚禾粟繕城郭恃此二者而

不撫其民其君弱植公子侈犬子卑大夫敖政多

門

政不由一人。植直吏反教亦作傲。

以介於大國

介間也

能無亡乎。不過十

年矣

為昭八年
楚滅陳傳

○秋七月。叔弓如宋。葬共姬也。

傷伯姬之遇災。
故使卿共葬。

○鄭伯有耆酒為窟室。

窟室地室

而夜飲酒擊鐘焉。朝至

未已。朝者曰。公焉在。

家臣故謂
伯有為公

其人曰。吾公在壑谷。

壑谷窟室

皆自朝布路而罷。

布路分散

既而朝。

伯有朝
鄭君

則又將使子

皙如楚。歸而飲酒。庚子。子皙以駟氏之甲伐而焚

之。伯有奔雍梁。

雍梁鄭地
○雍去聲

醒而後知之。遂奔許。大夫

聚謀。子皮曰。仲虺之志。

仲虺湯
左相

云。亂者取之。亡者侮

之。推亡固存。國之利也。罕駟豐同生。

罕子皮。駟子皙。豐公
孫段也。三家本同母

兄弟伯有汰侈故不免三家同出而伯有孤特又汰侈所以亡人謂子產就直

助彊時謂子皙直三家彊言當就子皙之直助三家之彊以共攻伯有子產曰豈為我徒徒黨也言

不以駟良為黨國之禍難誰知所做或主彊直難乃不生言能彊能

直則可弭難今三家未能則伯有方爭言我皆無所黨國家之有禍亂誰能預知其所終彼三家者勢果強而理果直則禍難何從而生也三家不能

強直所以伯有方爭姑成吾所欲以無所附著為所辛丑子產斂伯有氏之

死者而殯之不及謀而遂行不與於國謀○葬伯有之黨必得罪於三家故不謀而出奔也

印段從之義子產子皮止之眾曰人不我順言子產不順我三家何

止焉子皮曰夫子禮於死者况生者乎遂自止之

壬寅子產入癸卯子石入子石印段皆受盟于子皙氏乙

已鄭伯及其大夫盟于大宮

大宮 祖廟

盟國人于師之梁

之外

師之梁 鄭城門

伯有聞鄭人之盟已也怒聞子皮之甲

不與攻已也喜曰子皮與我矣癸丑晨自墓門之

瀆入

墓門 鄭城門 瀆 音豆 不與音預

因馬師頡介于襄庫以伐舊北

門

馬師頡子羽孫 頡 即羽頡為馬師之官

馬帶率國人以伐之

馬帶子西之子 子督之宗主

比皆

名子產

駟氏伯 有俱名

子產曰兄弟而及此吾從天所與

兄弟 恩業

故無所 偏助

伯有死於羊肆

羊肆 市列

子產禭之枕之股而哭之

斂而殯諸伯有之臣在市側者既而葬諸斗城

斗城 鄭地

名 今河南開封府陳留 縣南三十五里有斗城

子駟氏欲攻子產子皮怒之曰禮

圍之幹也。殺有禮，禍莫大焉。乃止。

斂葬伯有為有禮

於是游

吉如晉，還聞難不入。

懼禍并及

復命于介。八月甲子，奔晉。

駟帶追之。及酸棗，與子上盟。用兩珪質于河。

子上駟帶也沈

珪於河為信也。酸棗陳留縣。今開封府延津縣是。縣北十五里有古酸棗城。

使公孫盱入盟。大夫已

已復歸。

游吉歸也

書曰：鄭人殺良霄，不稱大夫。言自外入

也。

既出位絕非復鄭大夫

於子蟜之卒也。

子蟜公孫薑卒在十九年。蟜音矯。

將葬。公孫

揮與裨竈晨會事焉。

會葬事

過伯有氏，其門上生莠。子

羽曰：其莠猶在乎？

子羽公孫揮以莠喻伯有伯有侈知其不能久存

於是歲在降婁。

降婁中而旦。

降婁奎婁也。周七月。今五月。降婁中而天明。降戶江反。

裨竈指之曰：猶可。

以終歲

指降婁也。歲星十二年而一終。

歲不及此次也已

不及降婁

及其亡也

歲在娵訾之口

娵訾，營室東壁二十八歲星。淫在玄枵，今三十年。在娵訾，是歲星停在玄枵二年。娵，子須反。訾音茲。

○孔疏釋天云：娵訾之口，營室東壁也。李巡曰：娵訾，玄武宿也。營室東壁北方宿名。孫炎曰：娵訾之數則口開方。營室東壁四方似口，故因名云。十二次子為玄枵。亥為娵訾。

其明年乃及降婁。僕展從伯有，與之皆死。

僕展，鄭大夫伯有黨。

羽頡出奔晉，為任大夫。

羽頡，馬師。頡，任晉縣，今屬廣平郡。○任音壬。○今任縣屬直隸順德府，縣東南有古任城。

雞澤之會

在二年。

鄭樂成奔楚，遂適晉。羽頡

因之，與之比，而事趙文子。言伐鄭之說焉，以宋之

盟故不可

宋盟約弭兵故。○比，毗志反。

子皮以公孫鉏為馬師

鉏，子平之子代。

羽頡

○楚公子圍殺大司馬蔣掩蔣掩二十五而取其室年為大司馬申

無字曰王子必不免無字善人國之主也王子相楚

國將善是封殖而虐之是禍國也且司馬令尹之

偏偏佐也而王之四體也俱股肱也絕民之主去身之偏艾王

之體以禍其國無不祥大焉何以得免為昭十三年楚

魚廢反

○為宋災故諸侯之大夫會以謀歸宋財冬十月

叔孫豹會晉趙武齊公孫薑宋向戌衛北宮佗佗北宮居

之子鄭罕虎虎子及小邾之大夫會于澶淵既而無

歸於宋。故不書其人。君子曰：信其不可不慎乎。澶

淵之會，卿不書，不信也。夫諸侯之上卿會而不信，

寵名皆棄，不信之不可也。如是竊謂族也。詩曰：文王陟降，

在帝左右。信之謂也。詩大雅言文王所以能上接天下接人動順帝者唯以信。又曰：淑慎

爾止，無載爾偽，不信之謂也。逸詩也言當善慎舉止無載行詐偽。書曰：某

入某人會于澶淵，宋災故尤之也。傳云既而無歸所以釋諸侯大夫之不書也。又

云宋災故尤之所以釋向戍之并貶也。戍為正卿深致火災燒殺其夫人未聞克己之意而以求財合諸侯故與不歸財者同文。不書魯

大夫諱之也。向戍既以災求財諸大夫許而不歸客主皆貶君子以尊尊之義也君親有隱故略不書魯大夫以示例。胡

傳智者無不知當務之為急不能三年之喪而總小功之察放飯流飲而問無齒決是之謂不知務。蔡世子般弑其君天下之大變人理所不容也則會

其葬而不計宋國有災小事也。則合十二國之大夫。更宋之所喪而歸其財。則可謂知務乎。是故諸國之大夫。賦而稱人。魯卿諱而不書。又特言會之所為。以垂戒後世。可謂深切著明矣。張氏洽曰。盟會之書。其故者有二。以覆考之。則澶淵之所貶。非為宋財之無歸。明矣。

○鄭子皮授子產政。伯有死。子皮知政。以子產賢。故讓之。辭曰。國小而偏。

偏近大國。族大寵多。不可為也。為猶治也。子皮曰。虎帥以聽。誰敢

犯子。子善相之。國無小。言在治政。小能事大。國乃寬。為大所恤故也。

子產為政。有事。伯石賂與之邑。伯石。公孫段。有事欲使之。子大叔曰。

國皆其國也。奚獨賂焉。言鄭大夫共憂鄭國事。何為獨賂之。子產曰。無欲

實難。言人不能無欲。皆得其欲。以從其事。而要其成。非我有

成。其在人乎。言成猶在我。非在他也。○要。平聲。何愛於邑。邑將焉往。言猶在國。

子大叔曰。若四國何。恐為四鄰所笑。子產曰。非相違也。而相

從也。言賂以邑。欲為和順。四國何尤焉。鄭書有之。鄭國史書。曰。安定國

家必大焉先。先和大族而後國家安。姑先安大。以待其所歸。要其成也。既

伯石懼而歸邑。卒與之。卒終也。伯有既死。使大史命伯

石為卿。辭。大史退。則請命焉。請大史更命已。復命之。又辭。如

是三。乃受策入拜。子產是以惡其為人也。惡其虛飾。使次

己位。畏其作亂。故寵之。子產使都鄙有章。國都及邊鄙車服尊卑。各有分部。分扶運反。上

下有服。公卿大夫。服不相踰。田有封洫。封疆也。洫溝也。廬井有伍。廬舍也。九夫為井。使

五家相保。大人之忠儉者。謂卿大夫。從而與之。泰侈者因而斃之。

因其有罪而斃陪之

豐卷將祭請田焉弗許

田獵也

曰唯君用鮮

鮮野獸

衆給而已

衆臣祭以芻豢為足

子張怒

子張豐卷

退而徵役

召兵欲攻子產

子產

奔晉子皮止之而遂豐卷豐卷奔晉子產請其田

里

請於公不沒入

三年而復之反其田里及其入焉

田里所收入

從

政一年與人誦之曰取我衣冠而褚之

褚畜也奢侈者畏法故畜藏也

褚音主衣之橐也

取我田疇而伍之孰殺子產吾其與之

劫畔為疇

及三年又誦之曰我有子弟子產誨之我有田疇

子產殖之

殖生也

子產而死誰其嗣之

嗣續也傳言鄭所以興

經三十有一年春王正月○夏六月辛巳公薨于

楚宮

公不居先君之路寢而安所樂失其所也

○秋九月癸巳子野卒

不書葬未成君

○

己亥仲孫羯卒○冬十月滕子來會葬

皆侯爵葬於癸酉

葬我君襄公○十有一月莒人弑其君密州

不稱弑者主名

君無道也

傳三十一年春王正月穆叔至自會

澶淵會還

見孟孝伯

語之曰趙孟將死矣其語偷不似民主

偷苟且

且年未

盈五十而諄諄焉如八九十者弗能久矣

成二年戰於鞌趙朔已死

於是趙文子始生至襄三十年會澶淵蓋年四十七八故言未盈五十

若趙孟死爲政者其韓子

乎

韓起吾子盍與季孫言之可以樹善君子也

言韓起有君子

之德。今方知政可素往立善。○發立交道之善。

晉君將失政矣。若不樹焉。使早備。

魯

使韓子早為魯備。

既而政在大夫。韓子懦弱。大夫多貪求。

欲無厭。齊楚未足與也。魯其懼哉。

○懦乃亂反。厭平聲。

孝伯曰。

人生幾何。誰能無偷。朝不及夕。將安用樹。穆叔出。

而告人曰。孟孫將死矣。吾語諸趙孟之偷也。而又

甚焉。

言朝不及夕。偷之甚也。

又與季孫語晉故。

如與孟孫言。

季孫不從。及

趙文子卒。

在昭元年。

晉公室卑。政在侈家。韓宣子為政。不

能圖諸侯。魯不堪晉求。讒慝弘多。是以有平邱之

會。

平邱。會在昭十三年。晉人執季孫意如。

○齊子尾害閭邱嬰欲殺之

○公孫薑以嬰害己欲以計殺之

使帥師

以伐陽州

陽州魯地

我問師故

魯以師往問齊何故伐我

夏五月子尾殺閭

邱嬰以說于我師

言伐魯者嬰所為也。伐陽州不書不成伐

工樓灑消竈孔虺

賈寅出奔莒

四子嬰之黨。僂力侯反消生領反

出羣公子

為昭十年樂高之難復羣公子起本

○公作楚宮

適楚好其宮歸而作之

穆叔曰大誓云民之所欲天

必從之

今尚書大誓亦無此文故諸儒疑之。漢初尚書唯得二十八篇在後又得偽大誓一篇馬融云大誓後得案其文似若淺露

又春秋引大誓曰民之所欲天必從之。今大誓無此言書傳所引大誓而不在大誓者甚衆王肅亦云大誓遺非本經是諸儒疑之也。及晉元帝時豫章內史梅賾始獻孔安國所注古文尚書內有泰誓三篇記傳所引大誓其文悉皆有之

君欲楚也夫故作其

宮若不復適楚必死是宮也六月辛巳公薨于楚

宮叔仲帶竊其拱璧

拱璧公大璧

以與御人納諸其懷而

從取之由是得罪

得罪謂魯人薄之故子孫不得志於魯

立胡女敬歸之子

子野

胡歸姓之國敬歸襄公妾

次于季氏秋九月癸巳卒毀也

過哀毀齊以致

滅性

○己亥孟孝伯卒

終穆叔言

○立敬歸之娣齊歸之子公子裯

齊謚裯昭公名裯直由反

穆叔

不欲曰犬子死有母弟則立之無則立長

立庶子則以年

鈞擇賢義鈞則卜古之道也

先人事後卜也義鈞謂賢等

非適嗣何

必娣之子

言子野非適嗣

且是人也居喪而不哀在感而有

嘉容是謂不度。不度之人，鮮不爲患。若果立之，必

爲季氏憂。武子不聽，卒立之。比及葬，三易衰，衰衽

如故衰。言其嬉戲無度。比必利反衰，七雷反。衽而甚反，爲兩燕尾，綴於身傍，所以掩裳際也。於是昭公十

九年矣，猶有童心。君子是以知其不能終也。爲昭二十五年

公孫於齊傳

○冬十月，滕成公來會葬，愾而多涕。愾不微也子服惠伯

曰：滕君將死矣，怠於其位而哀已甚，兆於死所矣。

有死兆能無從乎？爲昭三年滕子卒傳癸酉，葬襄公。

○公薨之月，子產相鄭伯以如晉，晉侯以我喪故

未之見也。子產使盡壞其館之垣，而納車馬焉。士

文伯讓之曰：「敝邑以政刑之不修，寇盜充斥。」

充滿斥見言其

多無若諸侯之屬，辱在寡君者何？是以令吏人完

客所館。

館舍也。

高其閭闔。

閭門也。閭戶且反。里門曰閭。閭也。閭獲耕反。衡門謂之閭。

厚其墻垣，以

無憂客使。

無令客使憂寇盜。使去聲。

今吾子壞之，雖從者能戒，其

若異客何？以敝邑之爲盟主，繕完葺牆。

葺覆也。從去聲。下賓從同。

以待賓客。若皆毀之，其何以共命？寡君使匄，請命。

請問毀垣之命。

對曰：「以敝邑褊小，介於大國。」

介間也。

誅求無時，

誅責

也是以不敢寧居，悉索敝賦，以來會時事。

隨時來逢朝會。

執事之不聞而未得見。又不獲聞命。未知見時不

敢輸幣。亦不敢暴露。其輸之則君之府實也。非薦

陳之不敢輸也。薦陳猶獻見也。閒音開。暴步下反。其暴露之則恐燥濕

之不時。而朽蠹以重敝邑之罪。僑聞文公之爲盟

主也。僑子產名。文公晉重耳。燥素早反。宮室卑庳。無觀臺榭。以崇大諸

侯之館。館如公寢。庫廡繕脩。司空以時平易道路

易治也。庫音婢。觀去聲。巧人以時填館宮室。巧人塗者填塗也。音烏。填莫歷反。諸侯賓

至。甸設庭燎。庭燎設火於庭。燎力妙反。僕人巡宮。巡宮行夜。行去聲。下同。車馬

有所處。有所代客。賓從有代。代客。巾車脂轄。巾車主車之官。隸人牧圉。各

瞻其事

瞻視客所當得

百官之屬各展其物

展陳也謂羣官各陳其物以待賓

公

不留賓而亦無廢事

賓得速去則事不廢

憂樂同之事則巡之

巡行也。賓之憂樂晉則同其好惡事之得失晉則巡其當否

教其不知而恤其不足賓至

如歸無寧蕃患

言見遇如此寧當復有蕃患邪無寧寧也

不畏寇盜而亦不患

燥濕今銅鞮之宮數里

銅鞮晉離宮。鞮丁兮反。

而諸侯舍於隸人

舍如隸人舍

門不容車而不可踰越

門庭之內迫迫又有墻垣之限。迤側百反。

盜賊

公行而天癘不戒

癘猶災也言水潦無時

賓見無時命不可知若

又勿壞是無所藏幣以重罪也敢請執事將何所

命之

問晉命已所止之宜

雖君之有魯喪亦敝邑之憂也

言鄭與魯亦有

同姓若獲薦幣薦進也脩垣而行行去也君之惠也。敢憚勤勞。

文伯復命反命於晉君趙文子曰：信信如子產言我實不德，而以

隸人之垣，以贏諸侯贏受也。是吾罪也。使士文伯謝不

敏焉。晉侯見鄭伯，有加禮禮加敬，厚其宴好而歸之。乃

築諸侯之館。叔向曰：辭之不可以已也。如是，夫子

產有辭，諸侯賴之。若之何其釋辭也？詩曰：辭之輯

矣，民之協矣。辭之繹矣，民之莫矣。詩大雅言辭輯睦則民協同，繹說繹則民安定。

莫猶定也其知之矣。謂詩人知辭之有益鄭子皮使印段如楚，以適晉

告禮也。得事大國之禮

○莒犁比公生去疾及展與

犁比莒子密州之號。比音毗。

既立展與

立以為

世子

又廢之。犁比公虐國人患之。十一月展與因

國人以攻莒子弑之乃立

展與立為君。○按以當為之傳寫誤也。說本趙氏。

去疾奔

齊。齊出也。

母齊女也。

展與吳出也。

為明年奔吳傳。

書曰莒人弑其君

買朱鉏

買朱鉏密州之字。

言罪之在也。

罪在鉏也。傳始例申明君臣書。弑今者父子故復重明例。○家

氏鉏翁曰置其子之大惡歸過於其父春秋必不然。蓋犁比公虐國人作亂而弑之。展與既廢於父而見立於國人。使展與鉏討賊於既立之後。庶乎可

免矣。

○吳子使屈狐庸聘于晉

狐庸，巫臣之子也。成七年，適吳為行人。

通路也。

通吳晉之

路。趙文子問焉。曰：延州來季子，其果立乎？

延州來，季札邑。○延，延陵。

州來邑名並食

二邑故連言之

巢隕諸樊

在二十五年

闞戕戴吳

在二十九年戴吳祭

天似

啓之何如對曰不立是二王之命也非啓季子也

若天所啓其在今嗣君乎

嗣君謂夷末

甚德而度德不失

民德

度不失事

審事

民親而事有序其天所啓也有

吳國者必此君之子孫實終之季子守節者也雖

有國不立

言其三兄雖欲傳國與之終不肯立

○十二月北宮文子相衛襄公以如楚

文子北宮佗襄公獻公子宋

之盟故也

晉楚之從交相見也

過鄭印段廷勞于棊林如聘禮

而以勞辭

用聘禮而用郊勞之辭

文子入聘

報印

子羽爲行人馮簡

子與子大叔逆客

逆文子

事畢而出言於衛侯曰鄭有

禮其數世之福也其無大國之討乎詩云誰能執

熱逝不以濯

詩大雅濯以水濯手

禮之於政如熱之有濯也濯

以救熱何患之有

此以上文子辭

子產之從政也擇能而使

之馮簡子能斷大事子大叔美秀而文

其貌美其才秀

公孫

揮能知四國之為

知諸侯所欲為

而辨於其大夫之族姓班

位貴賤能否而又善為辭令裨諶能謀謀於野則

獲

得所謀也

謀於邑則否

此才性之蔽

鄭國將有諸侯之事子產

乃問四國之為於子羽且使多為辭令與裨諶乘

以適野使謀可否而告馮簡子使斷之事成乃授

子大叔使行之以應對賓客是以鮮有敗事北宮

文子所謂有禮也

傳跡子產行事以明北宮文子之言○乘去聲

○鄭人游于鄉校

鄉之學校

以論執政

論其得失

然明謂子產曰

毀鄉校如何

患人於中謗議國政

子產曰何爲夫人朝夕退而

游焉以議執政之善否其所善者吾則行之其所

惡者吾則改之是吾師也若之何毀之我聞忠善

以損怨

為忠善則怨謗息○朝直遠反○早見曰朝暮見曰夕忠善盡忠為善也

不聞作威以防

怨

欲毀鄉校即作威

豈不遽止然猶防川

遽畏懼也○遽其據反

大決所犯

傷人必多。吾不克救也。不如小決使道

道通也。道音導。

不

如吾聞而藥之也。

以為已藥石。

然明日。蔑也。今而後知吾

子之信可事也。小人實不才。若果行此。其鄭國實

賴之。豈唯二三臣。仲尼聞是語也。曰。以是觀之人

謂子產不仁。吾不信也。

仲尼以二十二年生於此。是十歲長而後聞之。

○子皮欲使尹何為邑。

為邑大夫。

子產曰。少未知可否。

尹何年少。

子皮曰。愿吾愛之。不吾叛也。

愿謹善也。

使夫往而學焉。夫

亦愈知治矣。

夫謂尹何。

子產曰。不可。人之愛人。求利之也。

今吾子愛人。則以政

以政與之。

猶未能操刀而使割也。其

傷實多

多自傷

子之愛人傷之而已其誰敢求愛於子

子於鄭國棟也棟折榱崩僑將厭焉敢不盡言子

有美錦不使人學製焉

製裁也○厭於甲反下同

大官大邑身之所

庇也而使學者製焉其為美錦不亦多乎

言官邑之重多於美錦

僑聞學而後入政未聞以政學者也若果行此必

有所害譬如田獵射御貫則能獲禽

貫習也○貫古患反

若未

嘗登車射御則敗績厭覆是懼何暇思獲

○覆芳服反子

皮曰善哉虎不敏吾聞君子務知大者遠者小人

務知小者近者我小人也衣服附在吾身我知而

慎之大官大邑所以庇身也。我遠而慢之。慢易也。微子

之言吾不知也。他日我曰子爲鄭國我爲吾家以

庇焉其可也。今而後知不足。自知謀慮不足謀其家。自今請雖吾

家聽子而行。子產曰人心之不同如其面焉。吾豈

敢謂子面如吾面乎。抑心所謂危亦以告也。子皮

以爲忠故委政焉。子產是以能爲鄭國。傳言子產之治乃子皮之力。

○衛侯在楚北宮文子見令尹圍之威儀言於衛

侯曰令尹似君矣將有他志。言語矚視行步不常。雖獲其志不

能終也。詩云靡不有初鮮克有終終之實難。令尹

其將不免。公曰：子何以知之？對曰：詩云：敬慎威儀，惟民之則。今尹無威儀，民無則焉。民所不則，以在民上，不可以終。公曰：善哉！何謂威儀？對曰：有威而可畏，謂之威；有儀而可象，謂之儀。君有君之威儀，其臣畏而愛之；則而象之，故能有其國家。今聞長世。音聞臣有臣之威儀，其下畏而愛之，故能守其官職，保族宜家。順是以下，皆如是，是以上下能相固也。衛詩曰：威儀棣棣，不可選也。詩邶風棣棣，當而聞也。選，數也。言君臣上下，父子兄弟，內外大小，皆有威儀也。周詩曰：朋

友攸攝攝以威儀

詩大雅攸所也攝佐也

言朋友之道必相教訓

以威儀也周書數文王之德

逸書。今周書武成

曰大國畏其

力小國懷其德言畏而愛之也詩云不識不知順

帝之則言則而象之也

大雅又言文王行事無所斟酌唯在則象上天

紂囚文王

七年諸侯皆從之囚紂於是乎懼而歸之可謂愛

之文王伐崇再駕而降為臣

文王聞崇德亂而伐之三旬不降退脩教而復伐之因壘而降

○降戶江反

蠻夷帥服可謂畏之文王之功天下誦而歌

舞之可謂則之文王之行至今為法可謂象之有

威儀也故君子在位可畏施舍可愛進退可度周

旋可則容止可觀。作事可法。德行可象。聲氣可樂。動作有文。言語有章。以臨其下。謂之有威儀也。行。

去聲

下同

春秋左傳杜注卷第十九

春秋左傳杜注卷第二十

華亭姚培謙

昭公

名稠襄公子母齊歸
謚法威儀恭明曰昭

經元年春王正月公即位

無傳

○叔孫豹會晉趙武

楚公子圍齊國弱宋向戌衛齊惡陳公子招蔡公

孫歸生鄭罕虎許人曹人于虢

招實陳侯母弟不稱弟者義與莊二十五年公子友同今

讀舊書則楚當先晉而先書趙武者亦取宋盟貴武之信故尚之也衛在陳蔡上先至於會○招常遙反

○三月取鄆

不稱將帥

將卑師少書取言易也

○夏秦伯之弟鍼出奔晉

稱弟罪秦伯○鍼其廉反

○六月

丁巳邾子華卒

無傳三同盟

○晉荀吳帥師敗狄于大鹵

大南太原晉陽縣。穀梁傳。中國曰太原。夷狄曰大南。

○秋莒去疾自齊入于莒。國逆而立之曰

入。○莒展與出奔吳。

弑君賊未會諸侯故不稱爵。季氏本曰不稱爵為弑君者所立不以為君也。

叔弓帥師疆鄆田。

春取鄆。今正其封疆。

○葬邾悼公。

無傳。

○冬十

有一月己酉。楚子麇卒。

楚以瘞疾赴故不書弑。麇九倫反。

楚公子比出

奔晉。

書名罪之。高氏閔曰靈王既殺其君之子而自立比為右尹力不能制是以出奔。春秋書之為十三年乾谿事起也。

傳元年春。楚公子圍聘于鄭。且娶於公孫段氏。伍

舉為介。

伍舉。椒舉。介副也。

將入館。

就客舍。

鄭人惡之。

知楚懷詐。

使行人子

羽與之言。乃館於外。

舍城外。

既聘。將以衆逆。

以兵入逆婦。

子產

患之。使子羽辭曰。敝邑褊小。不足以容從者。請

墀聽命

欲於城外除地為墀行昏禮。墀音善。

令尹命大宰伯州犁對曰君

辱貶寡大夫圍謂圍將使豐氏撫有而室

豐氏公孫段

圍

布几筵告於莊共之廟而來

莊王圍之祖共王圍之父

若野賜之是

委君貶於草莽也是寡大夫不得列於諸卿也

言不得從

禮卿不寧唯是又使圍蒙其先君

蒙欺也告先君而來不得成禮於女氏之廟故以為欺先

君將不得為寡君老

大臣稱老懼辱命而黜退

其蔑以復矣唯大夫

圖之子羽曰小國無罪恃實其罪

恃大國而無備則是罪

將恃大

國之安靖已而無乃包藏禍心以圖之小國失恃

而懲諸侯使莫不憾者距違君命而有所壅塞不

行是懼

言已失所恃，則諸侯懲恨以距君命，壅塞不行，所懼唯此。

不然，敝邑館人之屬也。

館人，守舍人也。

其敢愛豐氏之祧

祧，祖廟。

伍舉知其有備也，請垂

纜而入

垂，繫也。示無弓。纜，音羔，弓衣也。

許之。正月乙未，入逆而出，遂會

於虢

虢，鄭地。東虢君為鄭所滅，故為鄭地。

尋宋之盟也。

宋盟在襄二十七年。

祁午謂趙

文子曰：宋之盟，楚人得志於晉。

得志，謂先敵。

今令尹之

不信，諸侯之所聞也。子弗戒懼，又如宋。

恐楚復得志。

子木

之信，稱於諸侯，猶詐晉而駕馬。

駕，猶陵也。詐，謂衷甲。

况不信之

尤者乎？

尤，甚也。

楚重得志於晉，晉之恥也。子相晉國，以

為盟主於今七年矣。

襄二十五年始為政，以春言，故云七年。

再合諸侯。

襄二十五年會。

夷儀三十六

年會澶淵

三合大夫

襄二十七年會于宋三十
年會澶淵及今會號也

服齊狄寧東夏

襄二十八年齊

侯白狄朝晉

平秦亂

襄二十六年
秦晉為成

城淳于

襄二十九年城杞
之淳于杞遷都

師

徒不頓國家不罷民無謗讟

讟誹也
罷音皮

諸侯無怨天

無大災子之力也有令名矣而終之以恥午也是

懼吾子其不可以不戒文子曰武受賜矣

受午
言

然宋

之盟子木有禍人之心武有仁人之心是楚所以

駕於晉也今武猶是心也楚又行僭信

僭不
信

非所害也

武將信以為本循而行之譬如農夫是穠是藎

穠藎
也

苗為藎○穠
音標藎音藎

雖有饑饉必有豐年

言耕鋤不以水旱息必獲
豐年之收○饉其漸反

且吾

聞之能信不爲人下吾未能也自恐未能信也詩曰不僭不

賊鮮不爲則信也詩大雅僭不信賊害人也能爲人則者不爲人下

矣吾不能是難楚不爲患楚令尹圍請用牲讀舊

書加于牲上而已舊書宋之盟書楚恐晉先歃故欲從舊書加于牲上不歃血經所以不書盟○難去聲晉

人許之三月甲辰盟楚公子圍設服離衛設君服二人執戈陳於前

以自衛離陳也○兩人一左一右相離而行故稱衛叔孫穆子曰楚公子美矣君哉美服似君

鄭子皮曰二執戈者前矣禮國君行有二執戈者在蔡子家曰蒲

宮有前不亦可乎公子圍在會特緝蒲為王殿屋屏蔽以自殊異言既造王宮而居之雖服君服無所性也楚

伯州犁曰此行也辭而假之寡君聞諸大夫議之故言假以飾令尹過鄭

行人揮曰假不反矣

言將遂為君

伯州犁曰子姑憂子皙

之欲背誕也

襄三十年鄭子皙殺伯有背命放誕將為國難言子且自憂此無為憂令尹不反戈○背音佩

子羽

曰當璧猶在假而不反子其無憂乎

子羽行人揮當璧謂弃疾事在昭十三年

言弃疾有當璧之命圍雖取國猶將有難不無憂也

齊國子曰吾代二子愍矣

國子國務也二子謂

王子圍及伯州犁圍此冬便篡位不能自終州犁亦尋為圍所殺故言可愍

陳公子招曰不憂何成

二子樂矣

言以憂生事事成而樂

衛齊子曰苟或知之雖憂何害

齊子齊惡言先知為備雖有憂難無所損害

宋合左師曰大國令小國共吾知

共而已

共承大國命不能知其禍福

晉樂王鮒曰小旻之卒章善矣

吾從之

小旻詩小雅其卒章義取非唯暴虎馮河之可畏也不敬小人亦危殆王鮒從斯義故不敢譏議公子圍

退會子

羽謂子皮曰叔孫絞而婉絞切也。識其似君。反謂之美。故曰婉。宋左師簡

而禮無所藏否。故曰簡。共事大國。故曰禮。樂王鮒字而敬字愛也不犯凶人。所以自愛敬。子與

子家持之子子皮子子孫蔡公孫歸生持之。言無所取與。皆保世之主也。齊衛陳

大夫其不免乎。國子代人憂。子招樂憂。齊子雖憂

弗害。夫弗及而憂。與可憂而樂。與憂而弗害。皆取

憂之道也。憂必及之。犬誓曰。民之所欲。天必從之。

逸書。今周書。三大夫兆憂。憂能無至乎。開憂兆也。言以知物。其是

之謂矣。物類也。察言以知禍福之類。八年。陳招殺犬子。國弱。齊惡。當身各無患。

○季武子伐莒。取鄆。兵未加莒而鄆服。故書取而不言伐。程子曰。乘莒之亂而取之。故隱避其辭。莒

人告於會。楚告於晉曰：尋盟未退。尋弭兵之盟而魯伐莒。

瀆齊盟。

瀆慢也。

請戮其使。

時叔孫豹在會欲殺之。

樂桓子相趙文子。

桓子樂王

鮒相佐也。

欲求貨於叔孫而爲之請，使請帶焉。

難指求貨故以帶爲辭。

弗

與。梁其趯曰：貨以藩身，子何愛焉。

趯，叔孫家臣。○趯，戶定反。

叔孫曰：

諸侯之會，衛社稷也。我以貨免，魯必受師。

言不戮其使必伐其國。

是禍之也。何衛之爲？人之有牆以蔽惡也。

喻己爲國衛如牆爲人蔽。

牆之隙壞，誰之咎也？

咎在牆。

衛而惡之，吾又甚焉。

罪甚牆。雖

怨季孫，魯國何罪？

怨季孫之伐莒。

叔出季處，有自來矣。吾又

誰怨？

季孫守國，叔孫出使，所從來久，今遇此難，無所怨也。

然鮒也賄，弗與不已。召使者。

裂裳帛而與之曰帶其褊矣

言帶褊盡故裂裳示不相逆

趙孟聞之

曰臨患不忘國忠也

謂言魯國何罪

思難不越官信也

謂言叔

○難去聲下同

圖國忘死貞也

謂不以貨免

謀主三者義也

三者忠信貞

有

是四者又可戮乎

并義而四

乃請諸楚曰魯雖有罪其執

事不辟難

執事謂叔孫

畏威而敬命矣

謂不敢辟戮

子若免之以

勸左右可也若子之羣吏處不辟汚

汚勞事○孔疏事之勞身若穢之汚物

出不逃難

不苟免

其何患之有患之所生汚而不治難

而不守所由來也能是二者又何患焉不靖其能

其誰從之

安靖賢能則衆附從

魯叔孫豹可謂能矣請免之以

靖能者子會而赦有罪不伐魯又賞其賢赦叔孫諸侯其誰

不欣焉望楚而歸之視遠如邇○視遠如近不憚其勞以事楚也疆場

之邑一彼一此何常之有言今衰世疆場無定主○場音亦王伯之令

也言三王五伯有今德時引其封疆引正也而樹之官樹立也立官以守國舉之

表旗旌旗以表貴賤而著之制令為諸侯作制度法令使不得相侵犯過則有刑猶

不可壹於是乎虞有三苗三苗饕餮放三危者夏有觀扈觀圍今頭邱衛

縣廢在始平鄠縣書序曰啓與有扈戰于甘之野○觀音館○古觀圍城在今濮州觀城縣西屬山東東昌府古鄆城在今鄆縣北屬陝西西安府商

有姓邳二國商諸侯邳今下邳縣○姓西典反周有徐奄二國皆嬴姓書序曰成王伐淮夷遂踐奄徐即淮夷○淮

浦之夷其國名徐也成王伐淮夷遂踐奄因以封周公蓋周公已封於武王時而成王以奄地益之今志言曲阜舊城即古奄地或言奄城在縣東二里

自無令王諸侯逐進

逐猶競也

狎主齊盟其又可壹乎

強弱

無常故更主盟

恤大舍小足以爲盟主

大謂篡弒滅亡之禍

又焉用之

焉用

治小

封疆之削何國蔑有主齊盟者誰能辯焉

辯治也吳

濮有釁楚之執事豈其顧盟

吳在東濮在南今建寧郡南有濮夷釁過也○晉建寧郡在今

雲南界杜蓋極言其所至也

莒之疆事楚勿與知諸侯無煩不亦可

乎莒魯爭鄆爲日久矣苟無大害於其社稷可無

亢也

亢禦○不必禦止之

去煩宥善莫不競勸子其圖之固請

諸楚楚人許之乃免叔孫令尹享趙孟賦大明之

首章

大明詩大雅首章言文王明明照於下故能赫赫盛於上令尹意在首章故特稱首章以自光大

趙孟賦小

宛之二章

小宛詩小雅二章取其各敬爾儀天命不又言天命一去不可復還以戒令尹

事畢趙孟謂

叔向曰令尹自以為王矣何如

問將能成否

對曰王弱令

尹彊其可哉

言哥成

雖可不終趙孟曰何故對曰彊以

克弱而安之彊不義也

安於勝君是彊而不義

不義而彊其斃必

速詩曰赫赫宗周褒姒滅之彊不義也

詩小雅褒姒周幽王后幽王惑

馬而行不義遂至滅亡言雖赫赫盛彊不義足以滅之

令尹為王必求諸侯晉少懦矣

懦弱也○懦乃亂反

諸侯將往若獲諸侯其虐滋甚

滋益也

民弗堪

也將何以終夫以彊取

取不

不義而克必以為道

以不義為

道道以淫虐弗可久已矣

為十三年楚弑靈王傳

○夏四月趙孟叔孫豹曹大夫入于鄭會難過鄭鄭伯蕞

享之子皮戒趙孟戒享期禮終趙孟賦瓠葉受所戒禮畢而賦詩瓠葉詩小

雅義取古人不以微薄廢禮雖瓠葉兔首猶與賓客享之○瓠戶故反子皮遂戒穆叔且告之告以趙孟

賦瓠葉穆叔曰趙孟欲一獻瓠葉詩義取薄物而以獻酬知欲一獻子其從之子

皮曰敢乎言不敢穆叔曰夫人之所欲也又何不敢夫人趙孟

及享具五獻之籩豆於幕下朝聘之制大國之卿五獻趙孟辭趙孟自以今非

聘鄭故辭五獻私於子產私語曰武請於冢宰矣冢宰子皮請謂賦瓠葉乃用

一獻趙孟為客禮終乃宴卿會公侯享宴皆折俎不體薦○享禮既終即因而為宴不待異日也

穆叔賦鵲巢鵲巢詩召南言鵲有巢而鳩居之喻晉君有國趙孟治之趙孟曰武不堪也

又賦采繁

亦詩召南義取繁菜薄物可以薦公侯享其信不求其厚也

曰小國爲繁大國

省穡而用之其何實非命

穆叔言小國微薄猶繁菜大國能省愛用之而不弃則何敢不從命穡愛

也子皮賦野有死麇之卒章

野有死麇詩召南卒章曰舒而脫脫兮無感我愷兮無使尫也

吠脫脫安徐愷佩巾義取君子徐以禮來無使我失節而使狗豕吠喻趙孟以義撫諸侯無以非禮相加陵○脫吐外反○趙氏汭曰尫喻楚諸侯惡楚

圍欲趙孟安徐馴擾之

趙孟賦常棣

常棣詩小雅取其凡今之人莫如兄弟言欲親兄弟之國

且曰吾兄

弟比以安尫也可使無吠

受子皮之詩○比毗志反

穆叔子皮及曹

大夫興拜

三大夫皆兄弟國興起也

舉兕爵曰小國賴子知免於戾

矣

兕爵所以罰不敬言小國蒙趙孟德比以安自知免此罰戾

飲酒樂趙孟出曰吾不復

此矣

不復見此樂

○天王使劉定公勞趙孟於潁館於雒汭

王周景王定公劉夏潁水

出陽城縣雒汭在河南鞏縣南水曲流為汭。水經注洛水入河之處清濁異流亦名什谷隋置洛口倉於此今屬河南河南府鞏縣劉子

曰美哉禹功

見河雒而思禹功

明德遠矣微禹吾其魚乎吾

與子弁冕端委以治民臨諸侯禹之力也

弁冕冠也端委禮衣言今

得共服冠冕有國家者皆由禹之力。孔疏冠者首服之總名弁冕冠中之小別弁冕是首服端委是身服服虔云禮衣端正無殺故曰端文德之衣尚

喪長故曰委

子盍亦遠績禹功而大庇民乎

勸趙孟使蔡禹功。孔疏績亦功也遠績

禹功者勸之為大禹使遠及後世若大禹也

對曰老夫罪戾是懼焉能恤遠吾

儕偷食朝不謀夕何其長也

言欲苟免目前不能念長久

劉子歸以

語王曰諺所謂老將知而耄及之者

八十曰耄耄亂也。知音智

其

趙孟之謂乎。爲晉正卿，以主諸侯，而儕於隸人朝。

不謀夕。

言其自比於賤人，而無恤民之心。

弃神人矣。

民爲神主，不恤民，故神人皆去。

神怒，民

叛，何以能久。趙孟不復年矣。

言將死不復見明年。

神怒不歆其

祀，民叛不即其事，祀事不從，又何以年。

爲此冬趙孟卒，起本。

○叔孫歸

號會歸。

曾天御季孫以勞之。旦及日中，不出。

恨季孫伐莒，使已幾被戮。

曾天謂曾阜

曾阜，叔孫家臣。

曰：旦及日中，吾知罪矣。

魯以相忍爲國也，忍其外，不忍其內，焉用之。

欲受楚戮，是忍。

其外，日中不出，是不忍其內。

阜曰：數月於外。

言叔孫勞役在外數月。

一旦於是庸何

傷。賈而欲贏，而惡蹶乎。

言譬如商賈求贏利者，不得惡詭譎之聲。

阜謂叔孫

曰可以出矣。叔孫指楹曰：雖惡，是其可去乎？乃出。

見之。

楹柱也。以喻魯有季孫猶屋有柱。

○鄭徐吾犯之妹美。

犯鄭大夫。

公孫楚聘之矣。

楚子南穆公孫。

公孫

黑又使強委禽焉。

禽雁也。納採用雁。

犯懼告子產。子產曰：是

國無政，非子之患也。唯所欲與。犯請於二子，請使

女擇焉，皆許之。子皙盛飾入，布幣而出。

布陳幣。幣子皙公孫黑。

子

南戎服入，左右射。超乘而出，女自房觀之。曰：子皙

信美矣，抑子南夫也。

言文夫。

夫夫婦婦，所謂順也。

孔疏夫如夫。

道當剛強也。婦如婦節。當柔弱也。如是所謂順也。

適子南氏。子皙怒，既而櫜甲以見。

子南欲殺之而取其妻。子南知之，執戈逐之。及衝

擊之以戈。

衝交道

子皙傷而歸，告大夫曰：「我好見之，不

知其有異志也。故傷大夫，皆謀之。」子產曰：「直鈞，幼

賤有罪，罪在楚也。」

先聘子南直也。子南用戈子皙直也。子產力未能討，故鈞其事，歸罪於楚。奸如字。

乃執

子南而數之曰：「國之大節有五，女皆奸之。」奸犯也。奸音干。畏

君之威，聽其政，尊其貴，事其長，養其親，五者所以

爲國也。今君在國，女用兵焉，不畏威也。奸國之紀，

不聽政也。

奸國之紀，謂傷人。

子皙上大夫，女嬖大夫，而弗下

之，不尊貴也。幼而不忌，不事長也。

忌，畏也。

兵其從兄，不

養親也。

○從去聲

君曰余不女忍殺宥女以遠勉速行乎。

無重而罪五月庚辰鄭放游楚於吳將行子南子

產咨於大叔

大叔游楚之兄子

大叔曰吉不能亢身焉能亢

宗

亢蔽也

彼國政也非私難也子圖鄭國利則行之又

何疑焉周公殺管叔而蔡蔡叔

蔡放也。蔡蔡上素葛反說文作繫放散之義

夫

豈不愛王室故也吉若獲戾子將行之何有於諸

游

為二年鄭殺公孫黑傳

○秦后子有寵於桓如二君於景

后子秦桓公子景公母弟鍼也其權寵如兩君

其母曰弗去懼選

選數也恐景公數其罪而加戮

癸卯鍼適晉其車千

乘書曰秦伯之弟鍼出奔晉罪秦伯也罪失后子享

晉侯

為晉侯設享禮

造舟于河

造舟為梁通秦晉之道。造七報反。李巡注爾雅云比其船而度也。孔疏造為至義言

船相至而逆比也

十里舍車

一舍八乘為八反之備

自雍及絳

雍絳相去千里用車八百乘。雍去聲

歸取酬幣

備九獻之儀始禮自齋其一故續送其八酬酒幣

終事八反

每十里以八乘車各以次載幣相授而還

不徑至故言八反千里用車八百乘其二百乘以自隨故言千乘傳言秦鍼之出極奢富以成禮欲盡敬於所赴

司馬侯問

焉曰子之車盡於此而已乎對曰此之謂多矣若

能少此吾何以得見

言已坐車多故出奔

女叔齊以告公

叔齊司馬侯

女音

且曰秦公子必歸臣聞君子能知其過必有令

圖令圖天所贊也后子見趙孟趙孟曰吾子其曷

歸

問何時當歸

對曰。鍼懼選於寡君。是以在此。將待嗣君。

趙孟曰。秦君何如。對曰。無道。趙孟曰。亡乎。對曰。何

爲。一世無道。國未艾也。

艾。絕也。艾魚廢反。

國於天地。有與立

焉。

言欲輔助之者多。

不數世淫。弗能斃也。趙孟曰。天乎。對曰。

有焉。趙孟曰。其幾何。對曰。鍼聞之。國無道而年穀

和熟。天贊之也。

贊。佐助也。

鮮不五稔。

鮮。少也。少。尚當歷五年。多則不啻。

趙孟視

陰曰。朝夕不相及。誰能待五

陰。日景也。趙孟意衰。以日景自喻。故言朝夕不相及。誰能待五

○陰於金反。本亦作陰。

后子出而告人曰。趙孟將死矣。主民翫歲

而愒日。

翫。愒皆貪也。○愒。苦蓋反。翫。即前所云偷也。

其與幾何。

言不能久。

○鄭爲游楚亂故

游楚于南

六月丁巳鄭伯及其大夫盟

于公孫段氏罕虎公孫僑公孫段印段游吉駟帶

私盟于閨門之外實薰隧

閨門鄭城門薰隧門外道名實之者為明年子產數子哲罪稱薰隧盟起

本公孫黑強與於盟使大史書其名且曰七子

自欲同於

六卿故曰七子

子產弗討

子哲強討之恐亂國

○晉中行穆子敗無終及羣狄于大原

即大鹵也無終山戎

崇

卒也

崇聚也

將戰魏舒曰彼徒我車所遇又阨

地險不便車○阨於懈反

以什共車必克

更增十人以當一車之用○共音恭

困諸阨又克

車每困於阨道今去車故

為必克○以二伍當一車困程于阨皆有克道也

請皆卒

去車為步卒

自我始乃毀車以爲

行魏舒先自毀其屬車

五乘為三伍

乘車者車三人五乘十五人今改去車更以五人為伍分為三

伍○五乘

荀吳之嬖人不肯即卒斬以徇

魏舒斬斬之荀吳不恨所以能立功

為五陳以相離兩於前伍於後專為右角參為左

角偏為前拒

皆臨時處置之名○拒九甫反○道阨難于用衆制此五陳不相聯屬易于進退也

以誘之翟

人笑之

笑其失常

未陳而薄之大敗之

傳言荀吳能用善謀

○莒展輿立而奪羣公子秩公子召去疾于齊秋

齊公子鉏納去疾

齊雖納去疾莒人先召之故從國逆例書入去疾奔齊在襄三十一年

展輿奔

吳

吳外孫

叔弓帥師疆鄆田因莒亂也

此春取鄆今正其疆界

於是莒

務婁瞽胡及公子滅明以大厖與常儀靡奔齊

三

展輿黨大厯常儀靡音二邑。當在今山東青州府莒州北境。音茂。

君子曰。莒展之不立。弃人

也。夫

奪羣公子。秩是弃人。

人可弃乎。詩曰。無競惟人。善矣。

詩周頌言惟得。

人則國

家彊

○晉侯有疾。鄭伯使公孫僑如晉聘。且問疾。叔向

問焉。曰。寡君之疾病。卜人曰。實沈臺駘爲祟。史莫

之知。敢問此何神也。子產曰。昔高辛氏有二子。伯

曰闕伯。季曰實沈。

高辛帝譽。駘他才反。闕於葛反。崇息遂反。

居于曠林。不相

能也。

曠林地闕。

日尋干戈。以相征討。

尋用也。

后帝不臧。

后帝堯也。臧善也。

遷闕伯于商邱。主辰。

商邱宋地。主祀辰星。辰大火也。釋例云。宋商邱三名一地。

商人。是

因故辰為商星商人湯先相土封商邱遷實沈于大夏主

參大夏今晉陽地。參音森唐人是因以服事夏商唐人若劉累之等累遷魯縣此在大夏。孔疏

累雖遷魯縣子孫仍在大夏故歷夏及商也其季世曰唐叔虞唐人之季世其君曰叔虞當武王

邑姜方震大叔邑姜武王后齊大公之女懷胎為震大叔成王之弟叔虞。震本又作娠音申說文女妊身動也。大音泰

夢帝謂已余命而子曰虞帝天取唐君之名將與之唐屬諸

參而蕃育其子孫及生有文在其手曰虞遂以命

之及成王滅唐而封大叔焉故參為晉星叔虞封唐是為晉侯。屬

之玉反。史記叔虞封唐侯子變父改為晉侯由是觀之則實沈參神也昔金天

氏有裔子曰昧為玄冥師生允格臺駘金天氏帝少皞裔遠也玄冥水

官味為水 臺駘能業其官纂味宣汾洮宣猶通也。汾洮二水名。洮池刀反。後漢志

開喜有洮水。今開喜縣屬山西平陽府。障大澤破障以處大原大原晉陽也。臺駘之所居。帝用嘉

之封諸汾川帝顓頊沈如蓐黃實守其祀四國臺駘之後。沈音審。今晉

主汾而滅之矣滅四國由是觀之則臺駘汾神也。抑此

二者不及君身山川之神則水旱癘疫之災於是

乎祭之有水旱之災則祭祭山川之神若臺駘者周禮四曰祭祭為營。橫用幣以祈福祥。祭音詠。橫子管反。祭祈禱之小祭也。日月

山川之神其祭非有常處故臨時營其地立橫表。日月星辰之神則

雪霜風雨之不時於是乎祭之星辰之神若實沈者。孔疏言此祭祭其先世主山川

主星辰者之神矣非獨祭此山川星辰之神也。若君身則亦出入飲食哀樂之事

也山川星辰之神又何爲焉

言實沈臺駘不爲君疾

僑聞之君子

有四時朝以聽政

聽國政

晝以訪問

問可否

夕以脩令

念所施

夜

以安身於是乎節宣其氣

宣散也

勿使有所壅閉湫底

以露其體

湫集也底滯也露瀝也壹之則血氣集滯而體瀝露○湫子小反底丁禮反

茲心不爽而

昏亂百度

茲此也爽明也

今無乃壹之

同四時也

則生疾矣僑

又聞之內官不及同姓

內官嬪御

其生不殖

殖長也

美先盡矣

則相生疾

同姓之相與先美矣美極則盡盡則生疾

君子是以惡之故志曰買

妾不知其姓則卜之違此二者古之所慎也

壹四時取同姓

二者古人所慎

男女辨姓禮之大司也

辨別也

今君內實有四姬

焉

同姓姬
四人

其無乃是也乎。若由是二者，弗可爲也已。

為治也

四姬有省猶可，無則必生疾矣。

據異姓，共同姓，故言省。

叔向曰：

善哉！肸未之聞也。此皆然矣。叔向出，行人揮送之。

送叔向

叔向聞鄭故焉。且問子皙，對曰：「其與幾何？」

言將敗不久。

無禮而好陵人，怙富而卑其上，弗能久矣。

為明年鄭殺公孫黑。

傳

晉侯聞子產之言，曰：「博物君子也。」重賄之。晉侯

求醫於秦，秦伯使醫和視之，曰：「疾不可爲也。是謂

近女室，疾如蠱。」

蠱，惑疾。

非鬼，非食，惑以喪志。

惑，女色而失志。

良臣

將死，天命不祐。

良臣不匡救君過，故將死而不為天所祐。

公曰：「女不可迨乎。」對

曰節也。先王之樂所以節百事也。故有五節。五聲之節遲

速本末以相及。中聲以降。五降之後不容彈矣。謂

之樂得中聲。聲成五降而息也。降。罷退。○言五降而息罷退者。五聲一周。聲下而息前聲罷退。以待後聲。非作樂息也。於是有煩

手淫聲。悒堙心耳。乃忘平和。君子弗聽也。五降而不息。則雜聲並奏。

所謂鄭衛之聲。○悒。吐刀反。○堙。音因。傅氏遜曰。五聲以黃鍾為宮。然還相為宮。則其餘十一律皆可為宮。宮必為君而不可下于臣。商必為臣而不可

上于君。角民徵事羽物。皆以次降殺。其有過中者不用。正聲而以半聲應之。是為五降。五降得其節。則八音克諧而可彈。五降而後非復正聲。則鄭衛之

音。君子弗聽矣。物亦如之。言百事皆如樂不可失節。至於煩乃舍也已。無以生

疾。煩。不捨。則生疾。君子之近琴瑟。以儀節也。非以悒心也。為心之節。

儀。使動。不過度。天有六氣。謂陰陽風雨晦明也。降生五味。謂金味辛。木味酸。水味鹹。火味苦。土味甘。皆由

陰陽風雨而生。○孔疏：氣皆由天，故言天有六氣；五味在地，故云降生五味。五味是五行之味，六氣共生五行，故杜解五味皆由陰陽風雨晦明而生。是言六氣共生之非。

發為五色

辛色白，酸色青，鹹色黑，苦色赤，甘色黃，發見也。

徵為五聲

白聲商，青聲角，黑聲羽，赤聲徵，黃聲宮，徵，驗也。

淫生六疾

淫，過也。滋味聲色，所以養人，然過則生害。

六氣曰陰

陽風雨晦明也，分為四時，序為五節。

六氣之化，分而序之，則成四時，得五行之

節，過則為菑，陰淫寒疾。

寒過則為冷。

陽淫熱疾。

熱過則為渴。

風淫

末疾。

末，四肢也。風為緩急。

雨淫腹疾。

雨濕之氣為洩注。

晦淫惑疾。

晦，夜也。為宴寢過節。

則心惑亂。

明淫心疾。

明，晝也。思慮煩多，心勞生疾。

女陽物而晦時，淫則生內

熱惑蠱之疾。

女常隨男，故言陽物。家道常在夜，故言晦時。○頤氏炎武曰：女陰也。陰中有陽，其物屬火，故為陽。

今君

不節不時，能無及此乎？出告趙孟，趙孟曰：誰當良

臣對曰。主是謂矣。主相晉國。於今八年。晉國無亂。

諸侯無闕。可謂良矣。和聞之。國之大臣。榮其寵祿。

任其大節。有舊禍興而無改焉。改改行以救萬必受其咎。今

君至於淫。以生疾。將不能圖恤社稷。禍孰大焉。主

不能禦。吾是以云也。云主將死趙孟曰。何謂蠱。對曰。淫溺

惑亂之所生也。溺沈沒於嗜欲於文。皿蟲為蠱。文字也。皿器也。器受虫蝕害者為蠱穀

之飛亦為蠱。穀久積則變為飛蟲。名曰蠱在周易。女惑男。風落山。謂

之蠱。三三。巽下艮。上蠱。巽為長女。為風。艮為少男。為山。少男而說長女。非匹。故感。山木得風而落皆同物也。

物猶類也趙孟曰。良醫也。厚其禮而歸之。贈賄之禮

○楚公子圍使公子黑肱伯州犂城犖。犖，郊。黑肱，王子圍之

弟子皆也。犖，縣屬南陽。郊，縣屬襄城。犖，今河南陽翟縣。三邑本鄭地。犖，尺州反。犖，音歷。今河南汝寧府魯山縣東南有犖縣。故城，郊縣，今屬汝寧府。

州。鄭人懼子產曰：「不害，令尹將行大事。」謂將而先除

二子也。二子，謂黑肱、伯州犂。禍不及鄭，何患焉？冬，楚公子圍將

聘于鄭，伍舉爲介，未出竟，聞王有疾而還。伍舉遂

聘。十一月己酉，公子圍至，入問王疾，繼而弑之。繼，絞也。孫

卿曰：以冠纓絞之，長歷推己酉十二月六日，經傳皆言十一月，月誤也。遂殺其二子。幕及平夏。皆鄭

右尹子干出奔晉。子干，王子比。宮廐尹子皙出奔鄭。因築城而去。

殺犬宰伯州犂于郊，葬王于郊，謂之郊敖。郊，敖楚子麋。使

赴于鄭。伍舉問應為後之辭焉。問赴者。○應答也。人問。孰當為後。商所以答之。對

曰：寡大夫圍伍舉更之曰：共王之子圍為長。伍舉更赴辭使

從禮此告終稱嗣不以篡弑赴諸侯。○長上聲。子干奔晉，從車五乘。叔向使與秦

公子同食。食祿同。○從去聲。皆百人之餼。百人一卒也。其祿足百人。○餼音堅。趙文子

曰：秦公子富。謂秦鍼富強。秩祿不宜與子干同。叔向曰：底祿以德。底致也。底音

旨。○德大則官高。官高則祿厚。故致祿以德之大小為差也。德鈞以年，年同以尊。謂以官為之尊卑也。

公子以國不聞以富，且夫以千乘去其國，彊禦已

甚。詩曰：不侮鰥寡，不畏彊禦。詩大雅。秦楚匹也。使后

子與子干齒。以年齒為高下而坐。○傅氏遜曰：齒猶齊列也。辭曰：鍼懼選楚公子

不獲是以皆來亦唯命

不獲不得自安言俱奔事存優劣唯主人命所處謙辭

且臣與

羈齒無乃不可乎

后子先來仕欲自同於晉臣為主人子干後來奔以為羈旅之客

史佚有言

曰非羈何忌

忌敬也欲謙以自別

楚靈王即位遠罷為令尹遠

啓彊為大宰

靈王公子圍也即位易名熊虔

鄭游吉如楚葬邾敖且聘

立君歸謂子產曰具行器矣

行器會備

楚王汰侈而自說

其事必合諸侯吾往無日矣子產曰不數年未能

也

為四年會申傳說音悅

○十二月晉既烝

烝冬祭也

趙孟適南陽將會孟子餘

孟子餘趙

衰趙武之曾祖其廟在晉之南陽温縣往會祭之

甲辰朔烝于温

趙氏烝祭甲辰十二月朔晉既烝趙孟乃烝其家廟則晉

丞當在甲辰之前。傳言十二月月誤。

庚戌卒

十二月七日終劉定公秦后子之言。

鄭伯如晉弔及

雍乃復

弔趙氏蓋趙氏辭之而還傳言大夫彊諸侯畏而弔之。雍去聲。

經二年春晉侯使韓起來聘○夏叔弓如晉

叔弓叔

○秋鄭殺其大夫公孫黑

書名惡之薰隧盟子產不討遂以為卿故書之。

○冬公

如晉至河乃復

甲少姜也。晉人辭之故還。

季孫宿如晉

致禮服也。公實以秋行冬還乃書。

傳二年春晉侯使韓宣子來聘公即位故且告為政而來

見禮也

代趙武為政雖盟主而修好同盟故曰禮。見音現。

觀書於大史氏見易象與

魯春秋曰周禮盡在魯矣

易象上下經之象辭魯春秋史記之策書春秋遵周公之典以序事故曰

周禮盡在魯矣

吾乃今知周公之德與周之所以王也

易象春秋文王

周公之制當此時，儒道廢，諸國多闕，唯魯備。故宣子適魯而說之。○以王于況反。

公享之。季武子賦《絲》之

卒章。

絲詩大雅。卒章義取文王有四臣，故能以絲縣致興盛，以晉侯比文王，以韓子比四輔。

韓子賦《角弓》。

雅取其兄弟昏姻無胥遠矣。言兄弟之國宜相親。

季武子拜曰：敢拜子之彌縫敝邑。

寡君有望矣。

彌縫猶補合也。謂以兄弟之義。

武子賦《節之卒章》。

節詩小雅。卒章取式詭爾。

心以畜萬邦，以言晉德可。以畜萬邦，節才結反。

既享，宴于季氏，有嘉樹焉。宣子譽

之。譽其好也。譽音餘。

武子曰：宿敢不封殖此樹，以無忘角弓。

封厚也。殖長也。

遂賦《甘棠》。甘棠詩召南。召伯息於甘棠之下，詩人思之而愛其樹。武子欲封殖嘉樹如甘棠，以宣子比召公。

子曰：起不堪也。無以及召公。宣子遂如齊納幣。為平

公聘少姜。

見子雅。子雅召子旗。

子旗子雅之子。

使見宣子。宣子曰：非

保家之主也不臣

志氣九〇見音現下見彊同

見子尾子尾見彊

彊于尾之

子宣子謂之如子旗

亦不臣

大夫多笑之唯晏子信之

曰夫子君子也

夫起

君子有信其有以知之矣

為十年齊樂施

高彊來奔張本

自齊聘於衛衛侯享之北宮文子賦淇澳

淇澳詩衛

風美武公也言宣子有武公之德

宣子賦木瓜

木瓜亦衛風義取於欲厚報以為好

○夏四月韓須如齊逆女

須韓起之子逆少姜

齊陳無宇送女

致少姜少姜有寵於晉侯晉侯謂之少齊

為立別號於以寵異之

謂陳無宇非卿

欲使齊以適夫人禮送少姜

執諸中都

中都晉邑在西北界休縣東南〇今山西

汾州府平遙縣西北十二里有中都古城西南至界休五十里

少姜為之請曰送從逆班

班列也

劉氏炫曰：昏禮諸侯以下法當親迎，有故得使卿，明是使上卿也。凡例云：凡公女嫁于敵國，姊妹則上卿送之，公子則下卿送之，是送卑於逆者一等。故云：送者從逆者之班。畏大國也，猶有所易，是以亂作。韓須公族大夫

陳無字，上大夫，言齊畏晉，改易禮制，使上大夫送，遂致此執辱之罪。蓋少姜譙以示譏。

○叔弓聘于晉，報宣子也。

此春韓宣子來聘。

晉侯使郊勞。

聘禮賓至。

近郊君使卿勞之。

辭曰：寡君使弓來繼舊好，固曰：女無敢為

賓，徹命於執事，敝邑弘矣。

徹達也。

敢辱郊使，請辭。

辭郊勞致。

館辭曰：寡君命下臣來繼舊好，好合使成，臣之祿

也。

得道君命則於己為榮祿。

敢辱大館。

敢不。

叔向曰：子叔子知禮哉！吾

聞之曰：忠信，禮之器也；卑讓，禮之宗也。

宗，猶主也。

辭不忘

國忠信也

謂稱舊好

先國後已卑讓也

始稱敵邑之弘先國也次稱臣之祿後已也

詩

曰敬慎威儀以迓有德夫子迓德矣

詩大雅

○秋鄭公孫黑將作亂欲去游氏而代其位

游氏大夫叔之族

黑為游楚所傷故欲害其族

傷疾作而不果

前年游楚所擊創創初良反

駟氏與諸大

夫欲殺之

駟氏黑之族

子產在郟聞之懼弗及乘遽而至

遽傳驛○遽其據反傳中戀反

使吏數之

責數其罪

曰伯有之亂

在襄三十年

以大國

之事而未爾討也

務共大國命不暇治女罪

爾有亂心無厭國不女

堪專伐伯有而罪一也昆弟爭室而罪二也

謂爭徐吾犯之

妹○厭平聲

薰隧之盟女矯君位而罪三也

謂使犬史書七子

有死

罪三何以堪之。不速死。大刑將至。再拜稽首辭曰。死在朝夕。無助天為虐。子產曰。人誰不死。凶人不終命也。作凶事為凶人。不助天其助凶人乎。請以

印為褚師

印子皙之子。褚師市官。褚張呂反。

子產曰。印也。若才。君將任

之不才。將朝夕從女。女罪之不恤。而又何請焉。不速死。司寇將至。七月壬寅。縊尸諸周氏之衢。衢道也。加

木焉。

書其罪於木。以加尸上。

○晉少姜卒。公如晉。及河。晉侯使士文伯來辭。曰。

非伉儷也。

晉侯溺於所幸。為少姜行夫人之服。故諸侯弔不敢以私煩諸侯。故止之。○伉。苦浪反。儷。力計反。

請君無

辱公還季孫宿遂致服焉

致少姜之禭服公以未秋行始冬還還乃書之故經在冬

○叔向言陳無宇於晉侯曰彼何罪彼無君使公族

逆之齊使上大夫送之猶曰不共君求以貪已通國

則不共逆卑於送是晉國不共而執其使顧氏炎武曰言齊國不共非使人之罪君刑已頗

何以爲盟主頗不平頗普多反且少姜有辭謂請無字之辭冬十月陳

無宇歸晉侯赦之

○十一月鄭印段如晉弔弔少姜

經三年春王正月丁未滕子原卒襄二十五年盟重邱○夏叔

弓如滕五月葬滕成公卿共小國之葬禮過厚葬襄公滕子來會故魯厚報之○秋小

邾子來朝。○八月，大雩。○冬，大雨雹。無傳記災。○北

燕伯款出奔齊。不書大夫，逐之而言。奔罪之也。書名，從告。

傳三年春，王正月，鄭游吉如晉，送少姜之葬。梁丙

與張趯見之。二子，晉大夫。趯，他歷反。梁丙曰：「甚矣哉！子之爲此來

也。」卿共妾葬，過禮也。甚○爲去聲。子大叔曰：「將得已乎？」言不得止。昔文襄之霸

也。晉文公襄公。其務不煩諸侯，令諸侯三歲而聘，五歲而

朝，有事而會，不協而盟。明王之制，歲聘，間朝。在十三年，今簡之。君薨，大夫弔，

卿共葬事，夫人、士弔，大夫送葬。先王之制，諸侯之喪，士弔，大夫送葬，在三十一年。蓋時俗過

制，故文襄雖節之，猶過於古。足以昭禮，命事謀闕而已。朝聘以昭禮，盟會以謀闕。無加

命矣

命有常

今嬖寵之喪不敢擇位而數於守適

不敢以其位卑

而今禮數如守適夫人然則時適夫人之喪弔送之禮已過文襄之制○數所具反○劉氏炫曰不敢擇取使人於卑賤之位而禮數同於守內官之適

夫人也唯懼獲戾豈敢憚煩少姜有寵而死齊必繼室

繼室復薦女

今茲吾又將來賀不唯此行也張趯曰善哉

吾得聞此數也然自今子其無事矣譬如火焉

火心星

火中寒暑乃退

心以季夏昏中而暑退季冬且中而寒退

此其極也能無退乎

晉將失諸侯諸侯求煩不獲

言將不能復煩諸侯

二大夫退子

大叔告人曰張趯有知其猶在君子之後乎

譏其無隱諱○

知音

○丁未滕子原卒同盟故書名

同盟於襄之世亦應從同盟之禮故傳發之

○齊侯使晏嬰請繼室於晉

復以女繼少姜

曰寡君使嬰曰

寡人願事君朝夕不倦將奉質幣以無失時則國

家多難是以不獲

不得自來質之二反

不腆先君之適

謂少姜

以備

內官焜耀寡人之望則又無祿早世隕命寡人失

望君若不忘先君之好惠顧齊國辱收寡人徼福

於大公丁公

徼要也二公齊先君言收恤寡人則先君與之福也○焜胡本反明也焜照也言得備妃嬪之列照明己之意

也照臨敝邑鎮撫其社稷則猶有先君之適

適夫人之女

及遺姑姊妹

遺餘也

若而人

言如常人不敢譽

君若不弃敝邑而

辱使董振擇之以備嬪嬙寡人之望也

董正也振整也嬪嬙婦官○言

正整選擇示精審也

韓宣子使叔向對曰寡君之願也寡君不

能獨任其社稷之事未有伉儷在纒絰之中是以

未敢請

制夫人之服則葬訖君臣乃釋服○任音壬

君有辱命惠莫大焉若惠

顧敝邑撫有晉國賜之內主豈唯寡君舉羣臣實

受其貺其自唐叔以下實寵嘉之

唐叔晉之祖

既成昏許昏成

晏子受禮

受賓享之禮

叔向從之宴相與語叔向曰齊其

何如

問與衰

晏子曰此季世也吾弗知齊其為陳氏矣

不知其他唯知齊將為陳氏

公弃其民而歸於陳氏

弃民不恤

齊舊四量豆

區釜鍾四升為豆各自其四以登於釜

四豆為區區四升六升四區為釜

釜六斗四升登成也。區音歐

釜十則鍾

六斛四斗

陳氏三量皆登一焉鍾乃

大矣

登加也加一謂加舊量之一也以五升為豆五豆為區五區為釜則區三斗釜八斗鍾八斛

以家量貸而

以公量收之

貸厚而收薄

山木如市弗加於山魚鹽蜃蛤

弗加於海

賈如在山海不加貴。蜃食軫反賈音嫁。如訓往也言將山木往至市也

民參其力二

入於公而衣食其一

言公重賦斂

公聚朽蠹而三老凍餒

三老謂上壽中壽下壽皆八十已上不見養遇

國之諸市屨賤踊貴

踊刑足者屨言刑多

民人

痛疾而或燠休之

燠休痛念聲謂陳氏也。燠於喻反休虛喻反。服氏虔曰痛其痛而念之若今時小兒痛

父母以口就之曰燠休代其痛也

其愛之如父母而歸之如流水欲無

獲民將焉辟之箕伯直柄虞遂伯戲

四人皆舜後陳氏之先。戲平聲。

其

相胡公大姬已在齊矣

胡公四人之後周始封陳之祖大姬其妃也言陳氏雖為人臣然將有國其先

祖鬼神已與胡公共在齊。相助也。

叔向曰然雖吾公室今亦季世也戎

馬不駕卿無軍行

言晉衰弱不能征討救諸侯。行音杭。

公乘無人卒列無

長

百人為卒言人皆非其人非其長。乘去聲。

庶民罷敝而宮室滋侈

滋益也。

道殣

相望

鐵死為殣。殣音覲。毛詩作瑾。路冢也。

而女富溢尤

女嬖寵之家。言嬖妾之家其富尤甚。

民間

公命如逃寇讎藥卻胥原狐續慶伯降在阜隸

八姓

臣之族也。阜隸。賤官。五姓皆卿。續簡伯慶鄭伯宗先皆大夫也。

政在家門

大夫專政。

民無所依君曰

不悛以樂慴憂

慴藏慴改也。以逸樂之過藏憂慮之萌。

公室之卑其何日之

有言今讒鼎之銘

讒鼎名也。服氏虔曰：讒鼎，疾讒之器。明堂位所云：崇鼎是也。一云：讒地名禹鑄九鼎于甘澆之地。

曰

昧旦平顯後世猶怠

昧旦早起也。平大也。言夙興以務大顯後世猶懈怠。

况日不悛其

能久乎。晏子曰：子將若何

問何以免此難。

叔向曰：晉之公族

盡矣。胙聞之。公室將卑。其宗族枝葉先落。則公從

之。胙之宗十一族

同祖為宗。

唯羊舌氏在而已。胙又無子

無賢子。

公室無度

無法度。

幸而得死

言得以壽終為幸。

豈其獲祀

言必不得祀。

初。景公欲更晏子之宅。曰：子之宅近市。湫隘踴塵。

不可以居

湫下隘小。踴聲塵。土。湫子小反。

請更諸爽塏者

爽明塏燥。塏苦代反。高地。

故為燥。

辭曰：君之先臣容焉

先臣晏子之先人。

臣不足以嗣之。於

臣侈矣

侈奢也

且小人近市朝夕得所求小人之利也

敢煩里旅

旅衆也。不敢勞衆為己宅。

公笑曰子近市識貴賤乎對曰

既利之敢不識乎公曰何貴何賤於是景公繁於

刑

繁多也

有鬻踊者故對曰踊貴履賤既已告於君故

與叔向語而稱之

傳護晏子。今不與張趯同譏。

景公為是省於刑君

子曰仁人之言其利博哉晏子一言而齊侯省刑

詩曰君子如祉亂庶遄已

詩小雅如行也祉福也遄疾也言君子行福則庶幾亂疾止也

是之謂乎及晏子如晉公更其宅反則成矣既拜

拜謝

乃毀之而為里室皆如其舊

本壞里室以大晏子之宅故復之

則使

宅人反之

還其故室

且諺曰非宅是卜唯鄰是卜

卜良鄰

二三

子先卜鄰矣

二子謂鄰人

違卜不祥君子不犯非禮

去儉即奢為非

禮

小人不犯不祥古之制也吾敢違諸乎卒復其

舊宅公弗許因陳桓子以請乃許之

傳言齊晉之衰賢臣懷憂且言陳氏之興

○夏四月鄭伯如晉公孫段相甚敬而卑禮無違

者晉侯嘉焉授之以筮

筮賜命之書

曰子豐有勞於晉國

子豐段之父

余聞而弗忘賜女州田

州縣今屬河內郡○州本周邑隱十一年王以子鄭是時又屬晉

以胙乃舊勲伯石再拜稽首受筮以出君子曰禮

其人之急也乎伯石之汰也

汰驕也

一為禮於晉猶荷

其祿况以禮終始乎。詩曰：人而無禮，胡不遄死。其

是之謂乎。初，州縣藥豹之邑也。豹藥及藥氏亡，范宣

子趙文子、韓宣子皆欲之。文子曰：溫，吾縣也。州本屬

氏邑二宣子曰：自郤稱以別，三傳矣。郤稱晉大夫始受州，自是州與溫別。至今傳三家。○稱去

聲晉之別縣不唯州，誰獲治之。言縣邑既別甚多，無有得追而治取之。文子

病之，乃舍之。二子曰：吾不可以正議而自與也。皆

舍之。及文子爲政，趙獲曰：可以取州矣。獲，趙文子之子。文子

曰：退。使獲退也。二子之言義也。二子二宣子也。違義禍也。余不能治

余縣，又焉用州。其以徼禍也。君子曰：弗知實難。患不知禍

所起知而弗從禍莫大焉有言州必死豐氏故主韓

氏

故猶舊也豐氏至晉舊以韓氏為主人

伯石之獲州也韓宣子爲之請之

爲其復取之之故

後若還晉因自欲取之為七年豐氏歸州張本

○五月叔弓如滕葬滕成公子服椒爲介及郊遇

懿伯之忌敬子不入

忌怨也懿伯椒之叔父敬子叔弓也叔弓禮椒為之辟仇○按忌忌日也敬子桓公七世

孫惠伯桓公六世孫懿伯惠伯之叔父而敬子之五從祖也

惠伯曰公事有公利無私忌椒

請先入乃先受館敬子從之

惠伯子服椒也傳言叔弓之有禮

○晉韓起如齊逆女

為平公逆

公孫薑爲少姜之有寵也

以其子更公女而嫁公子

更嫁公女更平聲

人謂宣子子尾

欺晉。晉胡受之。宣子曰：我欲得齊而遠其寵。寵將

來乎？

寵謂子尾
○遠去聲

○秋七月，鄭罕虎如晉，賀夫人，且告曰：楚人日徵

敝邑，以不朝立王之故。

楚靈王
新立

敝邑之往，則畏執事。

其謂寡君而固有外心，其不往，則宋之盟云。

云文
相見進

退罪也。寡君使虎布之。

布陳也

宣子使叔向對曰：君若

辱有寡君，在楚何害？脩宋盟也。君苟思盟，寡君乃

知免於戾矣。君若不有寡君，雖朝夕辱於敝邑，寡

君猜焉。

猜疑也

君實有心，何辱命焉？

言若有事，晉心
至楚可不須告

君其往。

也。苟有寡君在楚，猶在晉也。張趯使謂犬叔曰：自

子之歸也。

歸在此年春

小人糞除先人之敝廬，曰：子其將

來。今子皮實來，小人失望。犬叔曰：吉賤不獲來。

賤非上卿

畏大國，尊夫人也。且孟曰：而將無事，吉庶幾焉。

孟張趙也

庶幾如趙言

○小邾穆公來朝，季武子欲卑之。

不欲以諸侯禮待之

穆叔曰：

不可。曹、滕二邾，實不忘我好，敬以逆之，猶懼其貳。

又卑一睦焉。

一睦謂小邾

逆羣好也，其如舊而加敬焉。志

曰：能敬無災。又曰：敬逆來者，天所福也。季孫從之。

○八月大雩旱也

○齊侯田於菖

菖齊東竟

盧蒲癸見泣且請曰余髮如此

種種余奚能爲

癸慶封之黨襄二十八年放之於竟種種短也。自言其老不能復為害。見音現。種章勇反。公曰

諾吾告二子

二子子雅子尾

歸而告之子尾欲復之子雅不

可曰彼其髮短而心甚長其或寢處我矣

言不可信

九月

子雅放盧蒲癸于北燕

恐其復作亂

○燕簡公多嬖寵欲去諸大夫而立其寵人冬燕

大夫比以殺公之外嬖

比相親比。比毗志反。

公懼奔齊書曰北

燕伯款出奔齊罪之也

款罪輕於衛衛重於蔡朱故舉中示例。按國君出書出奔春秋之常例

○十月鄭伯如楚子產相楚子享之賦吉日吉日詩小雅宣

王田獵之詩楚王欲與鄭伯共田故賦之

既享子產乃具田備王以田江南之

夢

楚之雲夢跨江南北

○齊公孫竈卒

竈子雅

司馬竈見晏子

司馬竈齊大夫

曰又喪

子雅矣晏子曰惜也子旗不免殆哉

以其不臣○子旗子雅子其父既死必不

免於危殆也

姜族弱矣而嬀將始昌

嬀陳氏嬀九危反

二惠競爽猶

可

子雅子尾皆齊惠公之子孫也競彊也爽明也

又弱一个焉姜其危哉

一个古賀反

春秋左傳杜注卷第二十